

2

CHRISTOPH. MATTHÆI PFAFFII,
S. THEOL. DOCT. ET PROFESSORIS PRIMARIJ,
CANCELLARIJ ET PRÆPOSITI TUBINGENSIS

DE
IMPERSONALITATE
ET
PERPETUITATE
HUMANÆ CHRISTI
NATURÆ
liber singularis.



TUBINGÆ
impensis HIOBI FRANCKII,
Anno MDCCXXII.





PRÆFATIO.



Nemo est Theologorum, quem fugiat, articulum de Christo traditu & explicatu præ cæteris ferè omnibus valdè difficilem & arduum esse. Cujus rei duæ causæ præcipuæ esse conspiciuntur. Una quidem, quòd mysterium fidei, quod ratio comprehendere & effari nescit, ille exhibet. Altera, quòd partim ingenii humani, quod in mysteria divina inconsulto pruritu & impetu involare amat, curiositate, partim hæreticorum, qui articulum hunc aggressi sunt, erroribus & hallucinationibus, partim inanibus aliorum altercationibus factum est, ut multis inutilibus subtilitatibus, multis conceptibus altis & obscuris, multis & logomachiis terminisque abstrusis & tenebricosis idem involeretur. Hinc,

A

licet

licet omninò optandum foret , ut in simplicitate fidei, remotâ omni disputatione, heic Theologis liceret acquiescere & mysterium hoc adorare potius quàm rimari, quâ ratione multum difficultatis in hâc tractatione suâ sponte evanesceret, necessitas tamen pro præsenti rerum situ prorsus poscit, ut inviti quoque in istum subtilitatum campum subinde descendamus, non eam ob causam, quòd altis istis disquisitionibus delectemur, sed ut veritatem fidei à strophis errantium vindicemus atque, quid de dissensionum in hoc articulo occurrentium momento & pondere tenendum sit, eò clarius & penitiùs constet. Quæ & ipsa ratio nobis exstitit, quòd prolixiore operâ in institutionibus nostris Theologicis eundem excussimus &, quæ longè brevius enarrari poterant, latius ac in aliis articulis à nobis factum est, diduximus. Nec est, quòd in illâ tractatione nunc quoque subsistamus, qui facilè capimus, nos operam prorsus haud lufuros, si unum alterumve, quod hùc spectat, argumentum separatim evolva-
mus, maximè quod ab aliis haud adeò tritum, quod à nemine datâ operâ enarratum fuerit.

fuerit. Placet itaque jam, duo hæc in præsentia capita explicare, quorum unum *de impersonalitate*, alterum *de perpetuitate humanæ Christi naturæ* agit. Quod dum facimus, divinam lucem à Patre luminum sub initium rerum supplici prece deposcimus.

CAPUT PRIMUM

de impersonalitate humanæ Christi naturæ.

§. I.

Nōrunt, qui acroamaticæ Theologiæ degustârunt principia, proprietates humanæ Christi naturæ competentes esse vel communes vel individuales, harumque posteriorum unam esse *ἀνυπόστατον* sive impersonalitatem. Scilicet, cū humana Christi natura nunquā sola substiteret sed inde à primo existentie suæ momento cum divinā naturā fuerit unita, cū & eadem propriam subsistentiam non habeat, sed à λόγῳ in suam hypostasin fuerit assumpta, cū & ad ἁἰωνοῦς conciliendum ab æterno fuerit ordinata, cū porro una saltem in Christo sit persona eaque non ex duabus conflata, non humana, sed divina, luce clarius patet, naturam Christi humanam esse ἀνυπόστατον, *impersonalem*, hoc est, propriā & humanā & finitā hypostasi carentem, et si in alienā, in divinā, in infinitā hypostasi, sibi quippe per incarnationem τῷ λόγῳ communicatā subsistat, & hæc

ratione sit ἐνυπόστατος. Quæ ipsa jam latius exponenda sunt.

§. II.

Ante omnia verò evolutionem terminorum necessariam esse quivis videt. Dicendum ergò, quid per ὑπόστασιν, quid per *personam*, quid per ἀνυπόστατον intelligamus. Mirum verò est, quàm πλύσῃμοι apud veteres sint hi termini quantisque ii logomachiis occasionem dederint. Rem, de quâ largum & luculentum volumen conscribi posset, demus, eja, in compendio, ne lector fatigetur. Et primò quidem, quod ὑπόστασιν spectat, notandus est vocis usus & profanus & Biblicus & ecclesiasticus. Qui profanam vocis acceptionem nosse voluerit, adeat, licet, Lexicographos tùm veteres, tùm recentiores, & ex his maximè HENR. STEPHANUM (a). Addi potest SOCRATES, (b) qui magno conatu diversas vocis hujus potestates conquirit. Sensum philosophicum ex veteribus post alios datâ operâ exposuere LEONTIUS BYZANTINUS (c), JO. DAMASCENUS (d), SUIDAS (e), ex recentioribus THEOPHILUS ALETHINUS sive JO. CLERICUS (f). Et verò ait loco citato SOCRATES, veteres Philosophos Græcos voce ὑποστάσεως usos haud esse, recentiores per ὑπόστασιν idem quod per οὐσία intellexisse. LEONTIUS ait, ὑπόστασιν primò sumi pro omni eo, quod revera existit nec saltem specietenus. Ita colorum alios veros esse, qui ὑπόστασιν habere dicantur, alios apparentes, qui sint ἀνυπόστατοι. Porro addit sumi & vocem pro individuâ substantiâ, opponique sic acciden-

(a) in Thesaurο Græcæ linguæ T. I. f. 1798. (b) Hist. Eccles. L. III. C. 7. (c) de sectis actione VII. (d) in dialecticâ C. XI. XXIX. XXX. XLII. sqq. (e) in Lexico, voce ὑπόστασις. (f) ad PETAVIUM de Trinitate f. 189. notâ 63.

dentibus. JO. DAMSACENUS per hypostasim mox intelligi ait substantiam completam, mox duplicem vocis sensum esse affirmat. Si enim absolute sumatur, significari per *ὑπόστασιν* omne id, quod existit, sive sit substantia sive accidens. Si proprie, significari *ἄπρην* sive individuum & personam particularem cum accidentibus suis sumtam. Eodem modo idem, quid sit *ἐνυπόστατος*, explicat. Ait enim, vocem generaliter sumtam significare id, quod existat, specialiter & proprie individuum, quod hypostasim habeat, vel id, quod per se non subsistit sed saltem in individuo, ut species, aut quod cum alio substantiâ diverso unam hypostasim compositam efficit, uti anima & corpus in homine sunt *ἐνυπόστατα* ambo, imò & *ἐνυπόστατον* id esse, quod ab alio in suam hypostasim sit assumptum, uti humana Christi natura. De *ἀνυπόστατοις* ait, illud iterum duplici sensu efferri, vel enim denotare id, quod planè non existit, vel id, quod per se non existit sed alteri inhaeret, ut accidens. Quae omnia facile ostendunt, haud satis claris DAMASCENUM ideis heic gavisum esse & individuum à supposito & personâ, subsistentiam item substantificantem à suppositante haud satis distinxisse. SUIDAS rectè quidem ait, *ὑπόστασιν* proprie indigitare *τὸ κατ' ἑαυτὸ ἰδιοσυστάως ὑφισταμένον*, sed tùm minùs accuratè rem explicat, ubi putat, subsistentiam illam suppositantem & *ἰδιοσυστασίαν* efficere *τὸ τῶν συμβεβηκότων ἀθρόοισμα ἐν ἐνυποκειμένῳ*, accidentium congeriem in uno subjecto. TH. ALETHINUS ait, Philosophos Græcos, maxime Platonicos per *ὑπόστασιν* intellexisse vel existentiam in se consideratam vel substantiam existentem. Id quod adductis ex PLOTINO locis probat. Sed hæc quidem omnia non opus est, nos ut morentur. Usus vocis *ὑποστάσις*, Biblicus hic est. Significat firmam subsistentiam 2 Cor. VI. 4. XI. 17. firmam persuasionem, id est,

fiduciam certam Hebr. III. 6. 14. XI. 1. & substantiam vel personam quoque Hebr. I. 3. ubi Theologos in partes ire conspicias. Quod Ecclesiasticam denique vocis potestatem attinet, constat, vetustiores Patres, imò & Concilia Nicænum, Sardicense & Romanum sub Damaso idem per *ὁμοούσιον* intellexisse, quod per *ὁμοίως*. Hinc & iidem veriti sunt dicere, in Trinitate tres esse hypostasies, unam saltem asserentes, licet simul & *τρία πρόσωπα* assererent. Loca Patrum huc spectantia magno numero adducunt DION. PETAVIUS (g), JO. CASPAR SUICERUS (h) & MICHAEL LEQUIEN (i), qui ora nobis hinc faciunt. Ac verò posteriora Concilia Oecumenica Patrumque plurimi, maximè recentiores *ὁμοίως* ab *ὁμοούσιον* plurimum distinxerunt. Loca itidem refert laudatus PETAVIUS (k), quem exscribere haud vacat. His verò Patribus *ὁμοούσιον* idem est, quod *πρόσωπον*. Hinc & factum, ut quidam olim assererent, tres esse in Trinitate hypostasies, ut à Sabellianis facerent divorcium, alii unam saltem, ut ab Arianis sese distinguerent. Agitata & hanc in rem lis fuit & decisa in Synodo Alexandrinâ A. CCCLXII. postquam Hosius Cordubensis & Meletius Antiochenus tres hypostasies, Paulinus ejusdem Anti-Episcopus unam statuit, tandemque conclusum, pugnam hanc esse logomachicam atque à phrasibus istis abstinendum inque terminis Concilii Nicæni subsistendum esse. (l) Quamvis autem & Occidentales hanc tenuerint

(g) de Trinitate L. IV. C. 1. §. 5. seqq. & de incarnatione L. II. C. 3. L. IV. C. 7. L. VI. C. 1. 2. (h) in Thesauro Ecclesiastico, voce *ὁμοούσιον*, T. 2. f. 1395. seqq. (i) in notis ad JO. DAMASCENI dialecticam f. 36. 37. Addi potest STEPH. CURCELLÆUS in dissert. de vocibus Trinitatis, personæ, *ὁμοούσιον* &c. §. 68. (k) de Trinitate loc. cit. §. 11. seqq. & de incarnatione L. II. C. III. §. 6. 14. L. V. C. 7. §. 8. L. VI. C. II. §. 7. (l) Acta hujus Synodi habentur apud ATHANASIUM

sunt *φύσεις*, unam saltem in Trinitate esse *ὑπόστασιν*, id quod vel ex solâ HIERONYMI ad Damasum Epistola pater, qui tres hypostasies dicere veritus est, postea tamen ista *φύσις* de tribus hypostasibus communior facta fuit atque in utrâque deinceps Ecclesiâ sine contradictione obtinuit. Mirumque oppidò est, qui logomachia ista schisma in Ecclesiâ Antiochenâ creare potuerit, quam & in elegantissimâ de *logomachiis eruditiorum* dissertatione (m) notat SAM. WERENFELSIUS, Theologus Basilienfis celeberrimus. Ast luculentius adhuc edisserendum, qui Patres *ὑπόστασιν* ab *ὑπόστασι* distinguant. Ajunt ii, *ὑπόστασι* esse speciem & commune quid, *ὑπόστασιν* individuum & quod sit particulare. Ita unam in Trinitate esse *ὑπόστασιν* & essentiam divinam, tres hypostasies. Ita Petrum, Paulum & Johannem unam habere *ὑπόστασιν* sed *ὑποστάσεις* esse distinctas. Locorum insignem farraginem producunt PETAVIUS (n), SUICERUS (o), LEQUIEN (p), CURCELLÆUS (q). Sed facile capiunt, quæ emundæ sunt nares, sic ad *ὑποστάσεις* personarum in Trinitate specificam, quæ prorsus proscribenda est & cui incantè Patres inhiâsse videntur (r), viam sterni. Itaque salis orthodoxi copia hîc adspargenda est & locutiones incommodæ bene explicandæ veniunt. Egregiumque admodum est, quod ab

in epist. ad Antiochenos, quæ & in operibus ipsius existat, & in Conciliis HARDUINI T. I. f. 734. & apud SOCRATEM Hist. Eccl. L. III. C. 7. quem carpit hîc PETAVIUS de Trinitate L. IV. C. 2. §. 15. qui plenam Synodi hujus historiam ex BASILIO, ATHANASIO, RUFFINO & GREG. NAZIANZENO condidit de Trin. L. IV. C. 4. §. 9. seqq. Addi potest JO. FORBESIIUS à CORSE in Instruât. Histor. Theol. L. I. C. 2. §. 8. (m) C. 2. §. 2. (n) de Trin. L. IV. C. 7. & de incarn. L. VI. C. 1. 2. 3. (o) loc. cit. (p) loc. cit. (q) loc. cit. §. 74. seqq. (r) Vide PETAVIUM de Trin. L. IV. C. 7-9. 13.

ab ideis Patrum nostra fides haud pendet. Accuratio-
 paululum ista inter ὑπόστασις & ὑπόστασις Patrum distinctio est,
 quando ajunt, ὑπόστασις amplius aliquid dicere ac ὑπόστασις &
 huic ὑπόστασις ὑπόστασις, *modum subsistendi* superaddere. Lo-
 ca idem PETAVIUS dat (s), qui & ait, juxta Patres id
 esse hypostasim, quod 1. existat & quidem 2. per se, 3. sit
 completa substantia, quam Græci vocent ἀνθρώπου, 4. quæ
 & subjecta sit accidentibus, unde substantia & suppositum
 dicatur. Nec tamen & hæc ipsa ita comparata sunt, ut
 limam haud desiderent, cum ὑπόστασις non nisi ὑπόστασις
 ὑπόστασις sit & substantia substantificans cum substi-
 tentiâ suppositante, id, quod est completum in essen-
 do, cum eo, quod est completum in subsistendo, his
 manifestè confundantur. Alia enim est substantiæ,
 alia suppositi ὑπόστασις. Ex quibus & facile judicare est,
 num rectè ajat PETAVIUS, ὑπόστασις esse suppositum
 vel personam, ὑπόστασις verò supposititalitatem vel perso-
 nalitatem (s). Idem & denique observat, ὑπόστασις apud
 Patres mox *existentiam* in genere, mox *existentiam indivi-*
dualem denotare (u), ubi iterum de ὑπόστασις suppositante
 nil dicit. Ast nimia de voce ὑπόστασις diximus. Unum
 est, quod addimus, idque præcipuum, Scholasticos mo-
 dernosque Theologos longè accuratiùs ac Patres heic pro-
 cedere, ubi ajunt, ὑπόστασις abstractè & formaliter spe-
 ctatam ipsam personalitatem seu substantentiam denotare,
 quæ substantiam intelligentem ultimò terminat, actuat
 & compler, ita ut ad aliud non ordinetur nec sit com-
 municabilis sed ex ordinatione divinâ in seipsâ termi-
 netur

(s) L. IV. C. 8. (t) L. IV. C. 2. §. 10. (u) L. IV. C. 2.
 §. 11. 12.

necur & per se subsistat (v). Quâ de re mox plura dicemus.

§. III.

De personâ & *πρόσωπον* facilior & brevior est tractatio. Et si enim & hæ voces variè à veteribus sumræ fuerint, ita, ut personæ tùm morales, quæ sunt *ἀνθρώποι* (x), tùm metaphysicæ, quæ sunt *ὑποστάσεις*, iis fuerint insignitæ, & *πρόσωπον* quoque lidem pro substantiâ ut tali subinde sumserint, tamen usus acroamaticus apud Patres mox obtinuit, ut persona idem esset, quod hypostasis. Unus instar omnium rem enarrat GREGORIUS NAZIANZENUS, qui in oratione XXXIX. ita infit: *Deum cum dico, uno eodemque triplici lumine perstringamini. Triplici quidem, quantum ad proprietates sive hypostases, si cui hæc vox magis arridet, sive personas, (neque enim de vocabulis dissidimus, quamdiu syllaba ad eandem sententiam ferunt,) uno autem, quantum ad substantiam, hoc est, divinitatis rationem.* Qui eruditam vocis *πρόσωπον* & personæ, quatenus à veteribus usurpata est, evolutionem nôsse voluerit, DION. PETAVIUM adeat, qui de Trinitate (y) & incarnatione (z) prolixè & eruditè rem tradidit, & conferrat, quæ inter STEPH. CURCELLÆUM (a) ac SAM. MA.

B

MA.

(v) Vide omninò PETAVIUM de incarn. L. III. C. 12. §. 2. Habet & hanc in rem quædam idem L. VI. C. 1. §. 6. qui & passim id notat, *ὑπόστασις* pro re stabili & consistente sumi, quomodo successiva & corruptibilia hypostasi carere dicantur. Adde vel maximè ex nostris MART. CHEMNIT. de duabus naturis in Christo C. I. & JO. GERHARDUM in loco de Christo §. 130. (x) Vide PETAVIUM de Trin. L. IV. C. 2. §. 5. seqq. Ita Sabelliani quidem *τρία πρόσωπα* in divinitate statuerunt, sed *ἀνθρώπινα*. Orthodoxi *ὑποστάσεις* statuunt. (y) L. IV. C. II. III. IV. IX. seqq. (z) L. V. C. 5. seqq. & passim. (a) in quatern. diss. Theol. adv. SAM. MARSIUM, diss. 1. de vocibus Trinitatis, personæ &c.

MARESIUM (b) heic disputata olim fuere. Mirum est, quodd existimaverit CURCELLÆUS, si persona dicatur suppositam intellectualem, positis tribus in Deitate personis, Tritheismum oriturum, imò secuturum porro, animas à corpore separatas & humanam Christi naturam quoque personas esse, si verò persona dicatur esse *ὑπόστασις*, personam divinam, quia sit saltem modus, minus entitatis habituram quàm accidens & propemodum nihil fore, per consequens, controversiam de Trinitate valde exilis momenti esse. Quæ ipsa cùm in institutionibus Theologicis (c) jam diluerimus, non vacat, quæ ibi diximus, jam heic repetere vel ulterius diducere. Sufficiat nobis, hoc loco sollicitè monuisse, probè distinguendam esse *substantiam, suppositum & personam*. Substantia juxta Metaphysicos, quos hic audire prorsus debemus, est ens per se subsistens. Nec est, quod jam dicas, substantiam sic idem cum personâ fore, eam ob rationem, quoniam Augustana nostrâ Confessio Art. I. personam per id definiat, *quod propriè subsistit*. Neque enim præstantissimi Confessores nostri, ubi personæ notionem heic dedere, plenam ejus definitionem dare voluerunt, nec per subsistentiam illam, quam nominant, subsistentiam substantificantem sive *πρωτοϋπαρξίαν* sed suppositantem sive *ἀνθυπαρξίαν* indigitârunt. Illa est, quæ accidenti opponitur, quod per se non subsistit sed substantiæ inest & inhæret. Hæc est, juxta quam substantia non saltem per se subsistit, sed & ultimò subsistit, nec ad complendam aliam tendit & ordinatur. Ita exempli gratiâ anima humana habet subsistentiam substantificantem, non enim est accidens, sed non habet sub-

(b) in append. ad Joannam Papissam restitutam, ubi exstat diss. Theol. pro SS. Trinitate contra STEPH. CURCELLÆUM.
(c) P. I. C. 2. §. 3.

subsistentiam suppositantem, quia ad complendum hominem tendit, vergit & ordinatur. Est itaque illa in subsistendo incompleta. Imo dicitur & *in essendo* incompleta, non in ordine ad suum *esse simplex*, sed in ordine ad *esse compositum* hominis. Ex quibus utique patet, substantiam latius patere supposito & personâ. Substantia enim vel incompleta vel completa est. Illa est, quæ ultimatâ subsistentiâ destituitur &, prout in se consideratur, dicitur *ἀνυπόστατος*, prout in alio subsistit, *ἐνυπόστατος*, hæc est vel suppositum, quod de irrationalibus dicitur, vel persona, quæ est suppositum intellectuale sive substantia individua, intelligens, per se, ultimatò & immediatè subsistens, incommunicabilis (alteri scilicet personæ,) non sustentata ab sive in alio. (d) Quâ ratione facile utique patet, humanam Christi naturam, etsi sit substantia per se subsistens & subsistentiâ substantificante floreat, tamen ultimatam subsistentiam, (dantur enim subsistentiæ gradus,) non habere, quia ad complendum *θεάνθρωπος* vergit & ordinata est, adeoque IMPERSONALEM esse. Nec est, quòd ajas, & divinam naturam *τῆς Λόγῃ* sic impersonalem fore, quia & illa ad complendum *θεάνθρωπος* vergat. Hæc enim cum propriâ suâ personalitate inde ab æterno gavisâ fuerit nec ex necessitate quâdam intrinsecâ ad complendum *θεάνθρωπος* vergat & personalitatem suam in incarnatione retinuerit, imò in eandem humanam naturam assumserit, patet, *ἀνυπόστατος* illi nullâ ratione attribui posse, quæ hoc ipso *ἰδιούσιος* est & *ἀνυπόστατος* omnimodâ gaudet. Et hæc quidem jam de voce personæ & *πρόσωπον* sufficiant.

(d) Confer hîc omninò, quæ sub initium dissertationis secundæ Anti-Balianæ diximus.

§. IV.

Restat, ut de eo, quod est ἀνυπόστατον, quædam dicamus. Etsi enim ex iis, quæ jam poluimus, vocis notio satis pateat ali qua tamen addenda veniunt. Scilicet in usurpatione vocum ὑνυπόστατος & ἀνυπόστατος veteres mirè variârunt. Aliquando enim per ὑνυπόστατον significârunt id, quod existit simpliciter, quâ ratione & accidentia sunt ὑνυπόστατα, aliquando id, quod propriâ subsistentiâ haud gaudet sed in alienâ subsistit, quâ ratione humana Christi natura est ἐνυπόστατος, aliquando &, quod propriam habet subsistentiam ultimam & æquipollet τῷ προσώπῳ, quomodo quævis persona in Trinitate est ἐνυπόστατος. Sic & ἀνυπόστατον mox illis est, quod planè non existit, mox, quod nec in alienâ subsistentiâ existit sed ab eâ divulsus est, mox, quod in propriâ quidem subsistentiâ non subsistit sed in alienâ, qui posterior usus communis & noster est, ubi de naturâ Christi humanâ ἀνυπόστατω agimus (e). Rem præ cæteris ex veteribus prolixè explanavit, quem jam supra citavimus, JO. DAMASCENUS. Is enim non saltem in Dialecticâ, quam scripsit, mentem suam prolixè heic effert sed & de fide orthodoxâ, ubi tamen L. III. C. IX. haud patitur, humanam Christi naturam dici ἀνυπόστατον, quoniam sit ἐνυπόστατος & in προσώπῳ τῷ λόγῳ subsistat, nec detur ulla φύσις ἀνυπόστατος sive nulla substantiæ species, quæ non in individuis exstet. Sed verò subsistentiam substantificantem & suppositantem, de quâ posteriore hic quæritur, hic iterum confundi videas, id quod & facit LEONTIUS in locis ibidem à LEQUIENIO in notâ adductis. Mirum est, quantoperè terminis hic sese invol.

(e) Quomodo humana natura dici possit ἀνυπόστατος, egregiè discutit JO. GERHARDUS in locò de Christo §. 112.

volvant Patres, nullumque est dubium, longè clarius, longè curatius hæc apud nostros enarrari. Non possum, quin ponam hæc verba MICH. PSELLI, qui in politicis versibus diversas vocis ἐνυπόστατος acceptiones ita perstringit :

Τὸ δὲ γὰρ ἐνυπόστατον πολυσήμαστον, ἀναξ.
ἔστι γὰρ ἐνυπόστατον τὸ ἀληθὲς ὑπάρχον.
καὶ αὐτὸς ἐνυπόστατον τὸ κοινὸν τῆς οὐσίας,
ἦν γὰρ τὸ εἶδος, δέσποτα, ἐπὶ τοῖς αἰσθητοῖς
πραγματικῶς ὑφιστάμενος, ὡς καὶ ἐννοία.
ἔστι δὲ ἐνυπόστατον, ὡς πλεον φρονήσιον,
ὅπου ἐπὶ συγκείμενοι μὴ ἄλλῃ διαφόρῃ
κατὰ οὐσίαν, δέσποτα, εἰς οὐσίαν προσωπῶν
ἐνδὸς καὶ ὑποστάτως μιᾶς γένεσι, ἀναξ.
ὑπόστασις δὲ πύφωκε κυριολογημένη
πρᾶγμα ιδιούσατον, ἐν μᾶλλον προσωπῶν τι.

Quæ verba versa ita se habent :

*Enhypostaton verò multa significat, O Rex!
Est enim enhypostaton, quod verum est,
Et rursus enhypostaton commune substantia.
Videlicet species, Domine! in individuis
Re ipsa subsistens, non simplici cogitatione.
Est & enhypostaton, quod amplius curandum,
Quod est compositum cum alio differente
Secundum essentiam, Domine! ad constituendam personam
Unam & hypostasis unius productionem, O Rex!
Hypostasis verò naturâ suâ est, si propriè sumatur,
Res per se subsistens & una magis persona.*

Ita lepidè PSELLUS. Cæterùm & id notandum, τὸ ἐνυπόστατον æquipollere τῷ ἐνυπάρχοντι, dici & subinde humanam Christi naturam ἐνυπόστατον, quia in alienâ ὑποστάσει subsistit, imò

& *συνύστατον* eandem sic dici posse. Plura hanc in rem PETAVIUS habet, qui consuli potest (f).

§. V.

His præmissis, ad rei ipsius evolutionem jam citato gressu procedimus. Dicimus itaque, *humanam Christi naturam esse συνύστατον*, hoc est, *subsistentiam propriam haud habere, sed in alienâ hypostasi & subsistentiâ, divinæ nempe naturæ, subsistere*. Quod ipsum dum ponimus, non id profectò volumus, humanam Christi naturam existentiam propriam non habere (g), aut subsistentiâ substantificante illam carere. Qui enim prius diceret, è numero entium, qui posterius, è catalogo substantiarum eandem eximeret. Itaque saltem subsistentiam suppositantem & ultimam humanæ Christi naturæ denegamus, qui aliàs luculenter largimur, eandem, si separatim existeret, quo vero casu natura Christi exstitura non esset, hypostasi suâ propriâ haud carituram. Id quod dudum alibi affirmavimus (h). Sunt autem argumenta, quæ *συνύστατον* sive *impersonalitatem* humanæ Christi naturæ insinuant, hæc. I. Quia aliàs duæ in Christo personæ, duo Christi emergerent & unio personalis sic tolleretur. II. quia duas hypostases in unam conflari contradictionem involvit. III. quia hypostasis infinita cum finita misceri & in unam coagulari haud potest. IV. quia divinam naturam in hypostasi humanâ subsistere iterum contradictionem implicat. V. quia humana natura ante unionem non exstitit sed in primo existentiae suæ momento divinæ naturæ unita fuit. VI. quia divina hy-

po-

(f) de Trinitate L. IV. C. 2. §. 9. C. 8. §. 10. 11. & de incarn. L. V. C. 6. §. 8. C. 8. §. 2. 3. (g) Hanc humanæ Christi naturæ peculiari capite ex Patribus adferit PETAVIUS de incarn. L. V. C. 6. (h) Instit. Theol. P. 2. C. 4. §. 2.

postasis humanam hypostasim absorpsisse dici nequit. VII. quia humana Christi natura ad complendum Θεάν-
ῥωπης divinitus ordinata fuit. VIII. quia unio personalis facta est in naturâ characterisatâ. IX. quia Λόγος
 sive Filius Dei, etsi naturam individuum assumsit, tamen non assumsit personam. X. quia divina natura humanam in hypostasim suam assumsit eamque humanæ communicavit. Agedum, si placet, lector, rationes has nostras & argumenta solido sed brevi ramen penicillo diducamus,

§. VI.

Et verò, quod primum attinet, ex quo thesīm nostram de impersonalitate humanæ Christi naturæ deducimus, argumentum, facile patet, positâ propriâ humanæ Christi naturæ hypostasi duas in Christo personas emergsuras esse. Si enim divina natura, quæ profectò hypostasim suam amittere nequit, propriâ hypostasi gaudet, si & porrò humanæ naturæ propria hypostasis & persona adscribitur, duas illicò in Christo personas habemus, quæis positis non unus est Christus, quem juxta 1. Tim. II. 5. Eph. IV. 5. 1. Cor. VIII. 6. credimus, sed duo Christi unioque personalis sic solvitur meraque unio parastatica emergit, in nudâ relatione externâ & consensu consistens, quæ hæresis Nestoriana dicitur, ab Orthodoxis tūm veteribus tūm recentioribus (i) profligata, qui Christum *μονοθεῖον* esse asserunt. Sed hæc quidem prolixâ explicatione non egent.

§. VII.

Secundum, quo *ἀνθρωπίνης* humanæ Christi naturæ adstruimus, argumentum ex eo petitur, quòd duæ hypostases in unam confluere nequeunt. Personæ enim
 præ-

(i) Sunt enim & inter recentiores, qui hic peccant & quorum falsæ de unione inter divinam & humanam naturam idæ obelo notantur. Vide ZACH. GRAPPII Christologiam recens controversam Qu. 5.

præcipuum est incommunicabilitas & persona est incommunicabilis alteri personæ, uti metaphysicus canon fert. Nec jungi possunt duæ subsistentiæ ultimæ, ita ut in unam conflentur (k). Hinc rectè BOETHIUS, *omniò ex duabus personis nil unquam fieri posse*. Hinc & veteres tam malè habuit, quòd Nestorius duas in Christo hypostasès tùm ante tùm post unionem statuit, quòd & Eutyches duas in Christo hypostasès existisse ratus est, quæ in unionione contempera-
tæ fuerint, alterutrâ vel utrâque peremtâ. Loca Patrum huc spectantia conglomeravit PETAVIUS (l).

§. VIII.

Tertia, quam dedimus, ratio priorem stringit. Uti enim in genere contradictionem implicat, hypostasès duas in unam confluere, ita multò magis contradictorium hoc est, hypostasìn divinam cum humanâ, infinitam cum finitâ, creatam cum increatâ, perfectam cum im-

(k) Sic Petrus & Paulus nec per absolutam Dei potentiam una persona fieri possunt. Sic hirco-cervus est *συνδριξυλον*. Et quod ultimò jam terminatum est, eo ipso non-unionem cum alio implicat.

(l) Vide de incarnatione L. III. C. IV. §. 15. C. XI. §. 12. L. V. C. IX. per totum. Unicum dabimus locum EPHRÆMII, Patriarchæ Antiocheni ex excerptis Photii in Bibl. cod. 228. Verba hæc sunt: *ὡς ἔστιν ὑπόστασις ὑποστάσις ἐνωθῆναι καὶ ὑπόστασις, ὅς ἐστιν Παῦλος καὶ Πέτρον μίαν ὑπόστασις ἀπολεῖται ἀδύνατον, ἀλλ' ὑδὲ ὑπὸ ἑκείνῃ ὡς ἓν. καὶ ἐπεὶ ἓν ἐστὶν τὸ ὑποκείμενον τοῦ ἑκείνῃ ὡς ἓν, ὅς ἐστιν ψυχὴ καὶ σῶμα. ὡς ἓν μίαν ὑπόστασις ἀπολεῖται, εἰ μὴ καὶ ἓν ἐστὶν καὶ τὸ αὐτὸ καὶ τὸ αὐτὸ καὶ τὸ αὐτὸ. Fieri non potest, ut hypostasis hypostasi secundum hypostasìn copuletur, velut Paulum & Petrum unam efficere hypostasìn impossibile est. Sed neque substantiam cum alterâ substantiâ in eandem convenire substantiam, velut anima corporisque substantia unam efficere substantiam non potest, nisi quis ad commune quoddam genus ambo referat. Quæ ipsa omninò solidè & accuratè dicuntur.*

imperfectâ in unam conflari, maximè cùm hypostasis divina cum naturâ divinâ à parte rei unum idemque sit & sic mutationem quandam passura esset. Nec perfici enim divina hypostasis ab hypostasi creatâ nec deterior per eam fieri potest (m). Nec est, quòd ajas, hypostasim & supposititalitatem non in positivo sed in negativo consistere. Ut enim taceamus, te sic tuam causam ipsummet jugulare, cùm negativum illud, quod est *non unio cum alio & incommunicabilitas*, in se hoc importet, quòd persona personæ personaliter uniri nequeat, jam dudum diximus, hypostasim divinam in negativo consistere haud posse (n). Peccant hinc quàm maximè Theologi Cartesiani, CHRISTOPH. WITTICHIIUS (o), PETRUS ALLINGA (p) & JO. BRAUNIIUS (q), qui statuunt, ex divinâ & humanâ hypostasi tertiam constaram fuisse, nempe theanthropicam, refutari eapropter à SAMUELE MARE-SIO (r), PETRO VAN MASTRICHT (s), JO. MAR-

C

CKIO,

- (m) Tetigimus jam hæc in diss. 2. Anti-Bælianâ p. 10. in notâ.
 (n) in diss. 2. Anti-Bælianâ p. 5. & seqq. ubi & allegavimus casum conscientiæ à JO. ADAMO OSIANDRO in Theol. casuali ventilatum, *an illibata conscientia doceri possit, personam in divinis dicere tantum aliquid negativum?* (o) in Theologiâ pacificâ p. 199. seqq. & illius appendice p. 95. seqq. itemque in Theol. pacif. defensâ p. 379. seqq. 389. seqq. Caterùm WITTICHIIUS, uti alii Theologi Cartesiani, supposititalitatem in mero negativo ponit. (p) in erotem. illustr. Dec. X. erot. X. p. 321. seqq. (q) in doctr. fœd. Vol. 2. P. 4. C. 16. Loco 19. §. 15. 17. p. 526, 527. & in scriptis MARCKIO oppositis, quæ recensentur in Bibliothecæ Universellæ T. 7. p. 390. seqq. & in H. L. BENTHEMII Holland. Kirch- und Schulen. Staat. P. 2. C. 2. p. 97. seqq. (r) de abusu Philosophiæ Cartesianæ in rebus Theologicis & fidei §. 1. 2. n. 47. in indiculo præcipuarum controvers. Theol. qu. 145. seqq. & in annot. ad Syst. Theol. L. IX. §. 12. seqq. (s) in gangrænâ novitatum Cartesianarum p. 524. seqq.

CKIO (r), JO. ADAMO OSIANDRO (u) & ZACH. GRAPIO (x), nisi quidem, quod existimamus, in me-
ram λογομαζίας res abeat Virique illi clarissimi statuant,
personam divinam ita assumpsisse humanam naturam, ut
personæ divinæ sic συνήλω extrinseca saltem denominatio
τῆς Θεωθροπικῆς, non intrinseca quædam mutatio vel
augmentatio accesserit. Etenim, quis nescit, personam
Θεωθροπικῆ & à veteribus & à recentioribus orthodoxis
vocari quoque σύνθετον, *compositam*, et si, quæ simplicissi-
ma est, quæ & à parte rei idem cum naturâ divinâ est,
nullam prorsus compositionem admittat, utpote quæ
imperfectiorem, quæ mutationem in illâ argueret.
Σύνθετος enim capropter saltem dicitur, quia humanam
quoque naturam in sui communionem admisit, assumpsit
& recepit, & quia divina & humana natura in eâ subsi-
stunt, illa πρώτως, hæc δεύτερως, illa per se, hæc per
gratiam. Et hic quidem de personâ συνήλω iterum con-
ferri meretur, qui veterum loca conglomeravit, DION.
PETAVIUS (y).

§. IX.

Ad quartam Theses nostræ probationem pedem
promovemus, ubi diximus, naturam Christi humanam
capropter quoque ἀνυπόστατον esse, quoniam divina natura
in hypostasi humana subsistere non possit. Nec enim
hypo-

(r) in scriptis BRAUNIO oppositis, quæ locis citatis recensentur.

(u) in collegio considerationum in dogmata Theologica Car-
tesianorum C. 18. th. 2. p. 345. seqq. (x) in Christologiâ
recens controversiâ qu. 3.

(y) de incarn. L. III. C. XII. §. 4.
seqq. C. XIV. seqq. ubi prolixissimè de personâ συνήλω agit &
argumenta, quæ contra terminum hunc militant, refellit.
Adjungi tantisper potest THOMAS AQUINAS in sum-
mæ Theologicæ P. 3. qu. 2. art. 4. qui eisdem argumenta con-
traria solvit.

hypostasim suam perdere illa potest, quia aliàs & ipsa periret, nec, uti jam vidimus, hypostasis divina & humana in unam coalescere possunt nec hypostasis finita divinitatis infinitæ fulcrum esse potest. Valer hîc canon metaphysicus: *finisum infiniti capax esse non posse*. Nec est, quod oggeras, si idiomata humana divinæ naturæ possint communicari, communicari & illi humanam *ὑπόστασιν* posse. Alia enim prorsus idiomatum ac *ὑποστάσεως* ratio est, quæ non attributum sed *πρόπ* *ὑπόστασεως* est, qui substantiam, quæ afficit, ultimato perficit, terminat & actuat. Quomodo autem substantia humana divinam naturam actuare & perficere possit, concipi haud potest. Ut taceam, idiomata humana divinæ naturæ saltem deodecibiliter *appropriari*, quæ appropriatio *ἰδιωματικῆς* & *ὁικιατικῆς* vocatur. Jam verò &, nisi hypostasis divina carni Christi communicata sit, neque naturarum neque idiomatum neque apotelesmatum communicatio facta esse cogitari potest, cum hypostasicos communicatio reliquarum communicationum fundamentum & origo sit.

§. X.

In argumento quinto ad confirmationem sententiæ nostræ prolato affirmavimus, humanam Christi naturam ante unionem cum divinâ haud exstitisse, sed in primo existentie suæ momento statim cum divinâ unitam atque in hypostasim illius assumptam fuisse, ex quo rursus sequitur, humanam Christi naturam in se esse *ἀνυπόστατον* (2). Notandum hoc est contra Eutychen, qui, ubi post unionem ex duabus naturis unam contemperatam & incarnatam esse dixit, subinnuit, naturam quo-

C 2

que

(2) Latius hoc diducit JO. GERHARDUS loc. Theol. de Christo §. 112. quem prorsus consule. Adde tamen & MART. CHEMNIT. de duabus naturis in Christo C. 6. §. 9. f. 34.

que humanam ante unionem jam existisse. Aliter profecto Partes Orthodoxi, Orientales & Occidentales, quorum loca magno numero heic iterum dat PETAVIUS (a), dignissima sanè, quæ evolvantur. Et rectè quidem illi, cum conceptio humanæ Christi naturæ ante super-ventum Spiritûs S. & virtutis altissimi obumbrationem (b) fieri nequiverit. Si verò humana Christi natura (c) nun-quàm seorsim existit, quid est, quæso, quòd existimes, ipsi *ἀνθρωπίνως* competere?

§. XI.

Sexti argumenti nostri vim saltem tangimus, ubi dicimus, haud affirmari posse, quòd hypostasis divina hypostasim humanam absorpserit, id quod causari forsan quis posset. Ut enim taceamus, repetendum hîc esse, quod modò posuimus, humanam naturam ante unionem cum Verbo haud existisse, contradictionem involvit, unam hypostasim ab aliâ jugulari, cum hypostasis ultimaram substantiæ *ex ordinatione divînâ* terminationem dicat (d). Addimus alia absurda hinc manantia. Ita humana natura frustra cum propria persona cre-

crea-

(a) de incarn. L. II. C. 1. §. 7. L. III. C. 13. §. 2. 3. L. IV. C. 2. §. 9. 10. 11. L. V. C. 6. §. 6. seqq. C. 7. §. 10. Adde MICH. LEQUIEN ad Damascenum T. 1. f. 105. in notâ. Certè GREGORIUS NAZ. in epist. 1. ad Cledonium Presbyterum tam rigidus est, ut eos anathemati subjiciat, qui hîc errant. En verba ipsius, quæ latina damus: *Si quis dicit, formatum fuisse hominem, deinde subingressum esse Deum, is sit damnatus. Hoc enim nequaquam generatio sed generationis est fuga.* Atque hæc ipsa adversus Apollinarium dicuntur. (b) Luc. I. 35. Confer JO. DAMASCENUM in diss. contra Nestorianos §. 1. editionis novæ T. I. f. 555, 556. (c) Granum salis hîc tamen adjicit J. A. SCHERZERUS ad brev. Hülsem. enucl. p. 377. (d) Hinc & cum grano salis sunt capienda, quæ in diss. 2. Anti-Bælianâ notâ (b) n. II. p. 11. 12. diximus.

creata, quam statim fuisset amissura. Ita sequeretur porro, hominem, qui nunc est Christus, aliquando non fuisse Christum. Ita sequeretur denique, beatam Virginem non esse *γενόμενην*, quia generatio ipsius terminata fuisset ad purum hominem tū in naturā tū in personā. Sic ratiocinantur, nec malè quidem, Scholastici (e).

§. XII.

Succedat argumentum septimum, humanam Christi naturam ad complendum *Θεάνθρωπον* divinitus ordinatam fuisse. Quod verò ordinatur ad aliud complendum, illud est *ἀνθρώπου* & *ἀνθρωπία* caret. En quid ajat RUSTICUS DIACONUS in disputatione contra Acephalos, qui de Christi humanitate dicerens, *ob hoc*, inquit, *eam creavit, non ut sua sed ut ejus esset, & super semetipso eam fundavit tanquā super basin quandam vel fundamentum, ut vera dicam, ut per eam perficeret propositam suā immensa largitati pulcherrimam dispensationem.* Igaur non omnis individua natura persona est, sed illa omnis, qua non ad hoc creatur, ut alteri inseparabiliter unita permaneat. Nam & humanum corpus non est alterius persona ab animā suā (f). Nec est, quòd dicas, divinam quoque τὴν λόγην naturam ita ordinatam esse ad conficiendum *Θεάνθρωπον*, ut naturali suo nisu hūc feratur. Id enim falsissimum est, cum nulla Filium Dei necessitas impulerit ad se incarnandum & incarnatio liberrimæ voluntatis opus in ipso fuerit.

§. XIII.

Octavo loco diximus, in naturā characterisatā factam fuisse unionem personalem, unde rursus conficitur, humanam naturam, quæ cum divinā characterisatā

(e) Vide ante alios JO. GABR. BOYVINII Theologiam Scoti P. 2. p. 131. 132. (f) Bibl. Patr. T. 4. col. 816. E.

risatâ unita fuit, ipsam subsistentiæ propriæ charactere
 haud gaudere posse. Res clara est, cum subsistentiarum
 ultimarum diversitas unionem personalem tollat. Jam
 verò ubi hæc ponimus, miramur oppidò, quî tanto cum
 fervore quæri hætenùs potuerit: *Num uno facta fueris
 in naturâ vel personâ?* Sunt Patres, sunt Scholastici, sunt
 ex Reformatis, sunt ex nostris, qui mox sic, mox aliter
 pronunciant, mox huc, mox illuc inclinant. Nostri tamen
 in naturâ & personâ factam ajunt communiter unionem
 esse & quidem ex vero. Sed res ad *λογωμαχίαν* redit.
 Qui enim negant, unionem in naturâ fieri, intelligunt
 naturam divinam, prouti omnibus in Trinitate personis
 est communis, existimantque, unionem saltem in natu-
 râ, mediante personâ, hoc est in naturâ characterisatâ
 fieri. Atqui nil amplius volunt, qui affirmant, unionem
 in naturâ fieri, ut aded longam licet necesse heic
 opus planè haud sit. Conferri potest, qui eruditè hoc
 argumentum pertractavit, Theologus olim Helmsta-
 diensis HENRICUS RIXNERUS in disputatione Theo-
 logicâ *de incarnatione Filii Dei, utrum in naturâ, an personâ
 ejus, an in utràque terminetur?* (g) ubi facilis est responsio,
 terminari in personâ immediatè, in naturâ mediatè.
 Communicationem enim naturarum præcedit commu-
 nicatio hypostaseos, & communicatâ hypostasi divina
 communicatur quoque natura divina, quæ cum hypo-
 stasi à parte rei est unum idemque. Ast pergitur.

§. XIV.

Nonum, quod posuimus, est, *Λόγον* sive Filium
 Dei, etsi naturam humanam individuam & singularem
 assumeret, tamen non assumpsisse personam (h). Quod si
 ita

(g) Helmst. 1676. 4. Respondente Frid. Oppermanno. (h) Vid
 THOMAM AQU. in Summa P. 3. Qu. 4. art. 2.

ita se habet, utique, natura humana ut sit ἀνθρώπινος, necesse est. Nec est, quod opponas, λόγον tamen humanam naturam singularem assumpsisse, non universalem, prouti quidam Patres olim existimavere, quorum sententiam enarrat PETAVIUS (i). Jam enim substantia singularis sine substantiâ suppositante, sine hypostasi & impersonalis esse potest. Quid, quod tam accurati fuerint veteres, ut veriti sint, dicere, quod λόγος hominem assumerit, contenti dixisse, quod humanam naturam assumerit & quod Deus fuerit homo factus. Ita sanè CYRILLUS, non assumsum esse hominem dicit à Deo verbo, sed illum potius hominem esse factum. Ita alii (k), ne Nestorio frigidam suffunderent. Ita maximè FELIX, Episcopus Romanus in Ephesinâ Synodo, quem & citat THOMAS AQUINAS, qui itidem affirmat, propriè dici non posse, quod λόγος hominem assumerit, quia vox homo personam quoque involvat (l). Alibi notavimus, dicam Nestorianismi capropter scriptam fuisse CLEMEN-
TI XL Pontifici nuper Romano, quod affirmaverit, Dominum sub specie ASSUMPTI HOMINIS divinitatem suam occultasse (m). Ast nimius hic rigor est, cum & Patres subinde Φράσις istâ utantur. Ita Concilium Toleranum VI. Can. I. Solus Filius suscepit HOMINEM in singularitatem persona, non in unitatem divina natura, hoc est, in id,

(i) de Trin. L. IV. C. IX. §. 12. seqq. & de incarn. L. V. C. V. per totum. Scilicet Filius Dei humanam naturam non assumpsit abstractam ab omnibus individuis nec prout est in omnibus individuis sed individuum & singularem. Adde THOMÆ AQU. Summam P. 3. Qu. 4. art. 4. §. (k) Vide rursus PETAVIUM de incarn. L. II. C. I. §. 7. & L. IV. C. 1. §. 6. (l) Summ. P. 3. Qu. 4. art. 3. (m) ad Corpus doctrinæ Moralis Sorbonicum p. 8. & in diss. 2. Anti-Bæl. notâ (a) p. 9. in subnotâ.

id, quod proprium est Filii, non, quod commune est Trinitati. Ita & ANSHELMUS Cantuariensis L. II. cur Deus homo? C. XVI. *De massa peccatrice & humano genere, quod totum infectum erat peccato, HOMINEM sine peccato, quasi azymum de fermentato Deus assumpsit.* Jam verò hæc ipsa capropter non ponimus, ut CLEMENTIS XI. causam agamus, sed ut causam JO. BRENTII nostri adversus ROB. BELLARMINUM defendamus, qui L. III. de Christo C. I. Theologum præstantissimum Nestorianismi accusavit, quod scripsit, *Filium Dei hominem assumpsisse.* Scilicet piè exponenda *Φράσις* est, micā salis orthodoxi adspersā, quæ hæc est, per hominem hīc non personam sed naturam humanam intelligendam esse. Unde nec imitanda hæc locutio est, quæ durior est, gravissimis Theologis ita monentibus, GERHARDO (n) & BROCHMANDO (o). Nec tegeri potest, accuratas tamen esse has propositiones personales, *Deus factus est homo, Deus est homo, Christus est Deus perfectus & homo perfectus, &c* quæ

(n) in disput. Isagog. 9. C. 6. §. 28. Adde tamen Loc. Theol. de Christo §. 82. 83. 96. 120. (o) in Syst. Theol. T. I. art. 15. C. 6. sect. 2. qu. 2. Adjungi potest JO. PAULI HEBENSTREITI, Theologi olim Jenensis diss. Theol. de unione personali th. 2. §. 9. p. 14. Maximè verò consuli hīc velim JO. HULSEMANNI resp. ad append. Calixti, ad calcem dial. apolog. p. 384. 385. KILIANI RUDRAUFFII Philos. Theol. p. 93. 94. ubi quaestio hæc: *αν λόγος ἁσsumseris hominem vel humanam naturam?* pro *λογεμαχία* declaratur, JO. AD. SCHERZERI Brev. Theol. Hülsem. enucl. p. 371. 177. ubi *Φράσις* de assumptione hominis defenditur, quam & ex Patribus tenere Augustinus & Hieronymus, & ex nostris BALTH. MEISNERUS, G. CALIXTUS, PET. HABERKORNIUS, quos ex RUDRAUFFIO jam citavimus in diss. 2. anti-Bæl. l. c.

quæ ejusmodi sunt. Dicitur enim utique homo, quia & tanquam homo subsistit, licet in alienâ hypostasi subsistat, quæ humanæ naturæ communicatur. Jam ad ultimum argumentum, quod proposuimus, citato gradu ferimur.

§. XV.

Quod modò insinuavimus, hypostasim divinam humanæ Christi naturæ esse communicatam, decimum nobis pro ejusdem ἀνυπόστασία argumentum fundit. Scilicet humana Christi natura non saltem sustentatur ab hypostasi divina, non saltem assumpta est in hypostasim divinam, sed hæc ipsa illi quoque est communicata. Quod si ita est, uti re vera ita est, humana natura est ἀνυπόστατος, nisi dicere malis, duabus eam hypostasibus, divinâ & humanâ gaudere, quod absolum est. Jam verò non opus est, ut operam prolixam in probatione antecedentis infumamus. Consulat, qui volet, illustrem Theologum, ABRAHAMUM CALOVIUM, qui longum rationum syrma ad probandam hanc thesim nectit (p). Id unum probè tenendum, communicationem hanc juxta nostros non factam esse κατὰ ῥῆμα saltem nec κατὰ περιήρσεις, περιόσεις, χάριν, μετῆχην, ἐνείκησιν, ἀναφορὰν, vel κατὰ ἀξίαν, ὁμοιότητάς, ὁμοθυμίαν, εὐδοκίαν, ἀρμονίαν, αὐτοκρατίαν, αὐτοβελίαν atque ἐπίρρησιν tantum, nec κατὰ συνειδήσιν vel μίαν, sed saltem vel κατὰ ἀλλοποιήσιν, αὐτοκρίσιν, ἐκχυσιν, μετέκτασιν, μίξιν, σύγχυσιν, ἀλλοιώσιν, μίθεσιν, ἐξίσωσιν, αὐτοπύρεσιν, necesse παραχωρητική, nec προσωπική, non externam, non titularem, non verbalem, non metaphoricam, non synecdochicam, non naturalem, non essentialem, non moralem, non mysticam, non sacramentalem, sed personalem, sed realem,

D

quæ

(p) in Syst. Theol. T. VII. p. 204. seqq. & in tractatu de personâ Christi Θεανθρώπου p. 118. seqq.

quæ facta sit καὶ ἡ σύνθεσις vel συνδύασις περιωρισμένην, ἀπερίηλητον, ἀσυγχύτως, ἀδιαίρετως, ἀχωρίως, ἀδιαλύτως, ἀδιασπάρως, ἀδιασπείτως, ἀναλλοιώτως, non ita, ut hypostasis divina naturæ humanæ extrinsecus saltem assistat, uti vestis unitur cum homine, qui eam induit, vel, uti Deus unitur cum homine, quem gratiosè inhabitat, nec ita, ut consensus saltem voluntatum in divinâ & humanâ naturâ sit, nec, uti est unio inter furculum & arborem, animam & corpus (q), panem benedictum & Corpus Christi, vinum & aquam, quando miscentur, substantiam & accidens, genus & speciem &, quæ ejusmodi sunt, neque hâc quoque ratione fuisse communicatam hypostasin, ut divinâ naturâ exciderit & in humanam fuerit transfusa, ut cum hâc mixta fuerit, ut huic inhæreat, ut hanc divinæ exæquet, sed ita factam esse, ut humana natura in ipsâ sustentetur personaliter idiomatumque divino-rum & actuum personalium, exceptis actibus λόγῳ persona-libus ad intra, qui ab æterno fiunt, evadat particeps, inconfusis licet naturis, proprietatibus, actibus, ubi unaquæque natura retinet, quod suum est, quâ ratione in Christo quidem est ἄλλο καὶ ἄλλο sed non ἄλλοⲓ καὶ ἄλλοⲓ. Jam & hypostasis divina ubi humanæ naturæ communicatur, huic saltem deinde divi-
 τῆρας, καὶ ἄλλο & per gratiam competit, λόγῳ πρώτως, καὶ ἁυτῷ, ἕστωδῶς & per naturam, ita tamen, ut verè dici possit debeat-
 que, hypostasin divinæ naturæ factam esse hypostasin huma-næ naturæ, & utriusquæ naturæ ὑπόστασις συνθετὴν Christum-
 quæ ex duabus naturis diversis, quarum una sit ἰδιούτηςⲓ, al-
 tera ἐνθούτηςⲓ, compositum esse, quod Patres unanimi consensu efferunt (r). Denique & facta est hæc hyposta-
 scos

- (q) Hinc influxus quidem divinitatis in humanitatem sed non re-ciprocus, uti nec ἀντιπρόσθετος reciproca, nullatenus autem di-vina natura causa occasionalis actuum humanæ naturæ, ne per harmoniam quidem præstabilitam, statui debet. (r) Vide PE-TAVIUM de incarnat. L. III C. XIII

scos communicatio ad communem denominationem, possessionem & usurpationem, id quod nostri sollicitè inculcant, qui & addunt, ita *ὑπόστασις* divinam communicatam esse carni, ut non sit extra carnem & ut Christus quoad humanam quoque naturam verus, proprius & naturalis Dei Filius personaliter sit. Quod restat, & Theologi Reformati magno numero fatentur, humanam naturam à divinâ sustentari personaliter & hypostasin divinam humanæ naturæ esse *communicatam*, &, quando hoc negant, eam saltem communicationem, quæ per transfusionem fit & inhaesionem mutationemque humanitatis essentialem infert humanitatemque divinitati coëxsequat, quamque & nostri inficiantur, negant (s).

§. XVI.

Rebus itaque sic stantibus & peroratâ satis causa, convenit utique humanæ Christi naturæ *ἀνθρωπίνη*, hoc est, humana Christo natura est impersonalis, non est persona, subsistentia propriâ ultimâ & suppositante haud gaudet sed subsistentiâ alienâ, ἢ λόγῳ nempe, in quam assumpta, quæ illi communicata est. Notanda verò probè hæc orthodoxorum positio est tum contra Nestorianos tum contra Eutychianos. Contra illos quidem, quòd duas in Christo personas statuissè dicuntur, contra hos verò, quòd hypostasin cum naturâ confundentes, quia una in Christo *θειὰ ἀνθρώπου* statuitur *ὑπόστασις*, unam quoque naturam saltem in Christo affirmârunt. En verò, quâ orthodoxia sanior mediâ hîc viâ vadat &, vitatâ ex unâ parte Nestorianismi Scyllâ, vitatâ & ex alterâ parte Eutychianismi Charybdi, duas in Christo naturas unâ eâdemque divinâ *ὑπόστασις* gaudentes confi-

D 2

tea-

(s) Confer omninò ABR. CALOVII examen doctrinæ Reformatorum de personâ Christi p. 118. seqq.

teatur (r). Nec est, quòd dicas, sic humanam Christi naturam non fore substantiam, si hypostasi propriâ careat. Etsi enim illa responsio, quam PETAVIUS ex Patribus dat (u), haud accurata sit, humanam naturam, licet non sit *ἀνθρώπου* & *ιδιοῦ*, tamen esse *ἐννύκτων*, hoc est, in hypostasi quâdam licet alienâ subsistere, tamen alia adhuc responsio datur, quæ nodum illicò solvit. Jam enim aliud est subsistentia substantificans, aliud suppositans, uti centies ingeminamus. Illud substantia dici nequit, cui prior deest, quam verò humanæ Christi naturæ deesse nemo somniaverit, cui saltem hypostasis, id est subsistentia suppositans deest, sine quâ utique substantia consistere potest, uti exemplo animæ rationalis liquet, quæ non est persona metaphysica (v). Ast facilia hæc sunt & quæ vel tyro metaphysicus diluerit, licet PETAVIUS diluere hæc haud valuerit & jejuna valdè heie garriat, utpote qui mysteria Scholastica & metaphysica per transennam saltem inspexit. Difficilior illa est objectio, ubi dicitur, sic Christum non fore hominem perfectum, si humana ipsius natura sit *ἀνθρώπου* & humanâ subsisten-

- (r) Confer omninò PETAVIUM de incarn. L.V. C. 7. ubi datâ operâ tractatur questio: *an natura humana Christi proprium aliquem subsistendi modum habeat?* (u) de incarn. L.V. C. 8. §. 1. seqq. Scilicet malè supponit post Patres PETAVIUS, id, quod in nullâ subsistat hypostasi, substantiam non esse. (v) Mirum, negari hoc à CHRIST. WITTICHIO, FR. BURMANNO, JO BRAUNIO aliisque Theologis Cartesianis. Confer JO. AD. OSIANDRUM in Collegio consider. in dogm. Theol. Cartes. C. 18. th. 1. p. 338. sqq. Sed verò & hæc lis ad *λογομαχίαν* avabit. Vide, quæ scripsimus in schediastmate orthodoxo de morte naturali §. 8. p. 28. 29. Vide &, quæ habet PETAVIUS de incarn. L. XII. C. 20. ubi contra HUGONEM VICTORINUM disputat. Adde QUENSTEDT Syst. Theol. P. 3. f. 416. & BALTH. MEISNERI *Quæst. vix.* II. §. 17. n. 1. p. 43.

stentiâ careat. At verò & hæc obiectio cadit, si confideres, ad perfectionem substantiæ vel essentiæ subsistentiæ ultimata[m] haud requiri. Sufficit heic, Christum esse hominem completum *in essendo* (w). Facilius sese expediunt, qui cum Scotistis & Cartesianis ajunt, supposititalitatem non consistere in modo quodam entitativo & positivo sed in negatione atque denominatione merâ externâ, quod, si quis ad creatas hypostasies restringat, à nobis quidem in hæreticorum numerum haud referetur (x). Sed verò urgetur porro, si λόγος assumserit humanam naturam *ἀνθρωπιν*, Christum non esse similem nobis quoad carnem *κατὰ πάντα*, solo excepto peccato, id quod militet contra Hebr. II. 14. 17. IV. 15. Et sanè, si Christus homo subsistentiâ humanâ careat, Christum non esse similem nobis *κατὰ πάντα* rectè forsan arguat quis. Ast, cùm, uti jam diximus, subsistentia ad perfectionem hominis essentialem haud requiratur, cùm & contradictionem implicet, duas subsistentias ultimatas unam personam efficere, vel unam subsistentiam ab alterâ assumi, facile patet, similitudinem illam, quæ in Epistola ad Ebræos memoratur, de naturâ saltem, non de personâ humanâ esse explicandum, cùm aliàs Christus quoque dici debeat factus esse similis *κατὰ πάντα* omnibus individuis, Petro, Paulo &c. quod *ἀπὸν*. Denique & opponi posset canon ille communis: *Quod λόγος non*
D 3 *assum-*

(w) De perfectione humanæ Christi naturæ vide PETAVIUM de incarn. L. V. C. 11. 12. Ast vel maxime conferendus hic est JOACH. LUTKEMANNUS in diss. Physico-Theol. de vero homine, ubi p. 46. seqq. contra Photinianos disputat, *nirum quis homo esse possit sine humanâ subsistentiâ?*
(x) Vide diss. 2. Anti-Bælianam p. 10.

assumpsit, non sanavit (γ). Si ergò personam humanam non assumpsit, illam non sanavit. Quid verò de hoc argumento dicendum sit, cùm alibi (z) jam enarraverimus, non opus est, dicta heic repetere. Jam verò omnibus hisce subtilitatibus & altis evolutionibus acroamaticis simplicitas fidei opus non habet, quæ missis spretisque his omnibus ἀπερβασιμαῖς λόγον humanam sibi naturam intimè copulasse & ita hominem atque θεοῦ ἕν ὄντος factum esse ait. Et sic nunc ad caput secundum pergimus.

(γ) Vide loca Patrum, ex quibus hic canon erutus est, apud PE-TAVIUM de incarn. L. V. C. XI. §. 11. sqq. Notum est illud GREGORII NAZIANZENI in Ep. 1. ad Cledonium: 73 ἀπερβαπτον ἀθεεμπλον. Hinc ad Scholasticos Canon hic, post ad nostros manavit. (z) Vide diss. 2. Anti-Bælianam p. 9. 10. in notâ.

CAPUT SECUNDUM

de perpetuitate humanæ Christi
naturæ.

§. I.

Nemo est, qui facilè dubitet, an Christus perpetuò homo mansurus sit. Nec in dubium hoc vocare potest, qui recogitat, Christi, Mediatoris Θεοῦ ὁρώπια æternum esse & regnum 2. Sam. VII. 16. Jes. IX. 7. Jer. XXXIII. 17. Dan. VII. 14. Mich. IV. 7. Psalm. LXXXIX. 5. 30. 37. 38. Luc. I. 32. 33. Apoc. XI. 15. & sacerdotium Ps. CX. 4. Hebr. V. 6. VI. 20. VIII.

VII. 13. 16. 17. 21. 24. 25. 28. IX. 14. X. 12. 14. & officium quoque Propheticum (4), secundum quod Christus in alterâ vitâ immediatè & perfectè beatos per visionem beatificam atque intuitivam illuminabit, resurrexisset eum ex mortuis, ascendisset in cœlos, sedere ad dextram Dei & ut *Θεῶν*. *Θρωπ* rediturum esse ad iudicium Dan. VII. 13. seqq. Matth. XXV. 31. seqq. Joh. V. 22. 27. Act. I. 11. XVII. 31. Scilicet Christus semper futurus est noster Mediator, Sacerdos, Rex, Caput, Goël Job. XIX. 25. seqq. Frater, Sponsus. Ille *Θεῶν* *Θρωπ* est *Χθες καὶ σήμερον ὁ αὐτὸς καὶ εἰς τοὺς αἰῶνας* Hebr. XIII. 8. Ille ut *Θεῶν* *Θρωπ* vivit & secundum humanam naturam, juxta quam resurrexit, in æternum Apoc. I. 18. Ipsi tanquàm *Θεω* *Θρωπ* & agno laudes *εἰς τοὺς αἰῶνας τῶν αἰώνων* canuntur 1. Pet. IV. 11. V. 11. Apoc. I. 6. IV. 9. 10. V. 13. 14. Et hæc sunt dicta scripturaria, ex quibus perpetuitas humanæ Christi naturæ elucescit.

§. II.

Nec minùs confirmat eam traditio Ecclesiastica. Etenim Concilium Chalcedonense ait, unionem personalem factam quoque esse *ἀδιαρέτως* & *ἀχωρίως*, sive *ἀδιαλύτως* & *ἀδιασπῆτως*, hoc est, inseparabiliter, ita ut humana natura à divinâ amplius divelli haud possit, sed una alteri semper juncta maneat. Pertinet hûc canon ille, qui Patribus communiter adscribitur: QUOD CHRISTUS SEMEL ASSUMSIT, NUNQUAM DIMISIT vel DEPOSUIT, id quod de naturâ in se, non de infirmitatibus ipsi adjacentibus, non de formâ servili intel-

(4) Apoc. VII. 17. XXI. 22. 23. Vide hic prorsus ABR. CALOVIIUM in Syst. Theol. T. VII. p. 549. 550. & F. TURRETINI instit. Theol. elenct. L. 14. Qu. 17. §. 7. p. 536. Adde tamen J. A. OSIANDRI disp. de inaccessione Christi & Spir. S. Qu. 3. p. 17.

intelligendum granumque salis quoddam hñc adspargendum esse, quivis videt. Accedunt testimonia Patrum luculentissima. Ita sanè GREGORIUS NYSSENUS, cujus digna sunt verba, quæ adponantur: *divinitatem & ante carnem & in carne & post passionem eodem modo se habere semper, ut, quod erat naturâ, perpetuò sit & in æternum maneat, quæ in humana natura perpeffione pro nobis dispensationem implevit, cum ad tempus animam à corpore disjuxit, adè ut ab neutro eorum, quibuscum mixta fuerat, sejuncta fuerit, & rursus dissociata conjunxerit.* Hæc GREGORIUS (b), qui & in epistolâ ad Eustathiam & Ambrosiam in eandem sententiam fatur (c). Eodem modo & ATHANASIUS carnem Christi à divinitate indissolubilem esse proficetur. Ut enim ea loca, quæ PETAVIUS (d) affert, taceamus, expressè sub finem libelli de incarnatione Verbi Dei contra Paulum Samosatenum ATHANASIUS Christum fateatur ὡς περυσόμενον τῷ εἶναι υἱὸς ἀνθρώπου ὡς ἀνημέρον τὴν σάρκα, *nunquam desinere esse Filium hominis vel carnem deponere.* Idem de humanâ naturâ Verbi contra Arianos & Apollinarium *carnem in cælum ascendisse* ait, & de incarnatione Christi contra eundem τὴν σάρκα τῷ λόγῳ vocat ἰδίαν & ἀδιαιρέτην. Adjungi meretur MAXIMUS Confessor aut THEODORITU in dialogo IV. de SS. Trinitate, qui ATHANASIO aliàs adscribitur, ubi extat: ὁ ἐνώσας ἐκ ἀφ᾽ ἑκέν. **QUOD UNIVIT, NON DIMISIT.** εἶτω γὰρ ἐλευσεται, ὃν πρόπῃ ἐπείσασθαι αὐτὴν περιεόμενον εἰς τὴν ἕρπῃον, καὶ οἰσονται, εἰς ὃν ἐξικάνθησιν. A. C. I. II. Joh. XIX. 37. Ma-

(b) Orat. 2. contra Eunomium, Opp. T. 2. f. 483. 484. edit. Paris. 1638. (c) Opp. T. 3. f. 659. (d) de incarn. L. XII. C. 19. § 5. Desumpta sunt illa loca ex oratione ATHANASII de salutari adventu Jesu Christi adv. Apollin.

Maximè verò pertinent hùc, quæ apud GREGORIUM NAZIANZENUM & JOANNEM DAMASCENUM extant. En quid ajat GREGORIUS, qui ita adversus Apolinarium (e): *Si quis dicis, Christum nunc carnem deposuisse divinitatemque nudam esse à corpore post assumptionem, nec cum carne vel esse vel venturum esse, non videas gloriam adventus ejus: Ubinam enim nunc est corpus, nisi cum eo, qui illud assumpsit? Neque enim illud juxta Michaorum delirium in sole repositum est, ut, quod ignominiosum foret, ibi adoretur, nec in aërem effusum & dissolutum est, quæ vocis est indoles, quæ fluxus odoris est, qui curfus est fulguris haud consistentis. Quomodo verò & palpari poterit post resurrectionem, vel quomodo apparebis aliquando iis, qui ipsum confixere? Deitas enim secundum se invisibilis est. Venies itaque iste cum corpore (f). Ita & JO. DAMASCENUS: Etsi post resurrectionem cibum gustavitis, non tamen id natura lege contigit, neque enim fame laboravitis, sed certâ dispensatione, ut fidem faceret, se ve-*

E

rd

(e) Itaque ergò Apolinarius perpetuitatem humanæ Christi naturæ negavit. (f) epist. 1. ad Cleodonium Presbyterum. His contraria esse videntur, quæ alibi, oratione nempe 40. ad Neophyos adfirmat Theologus, ubi Christum venturum esse dicit *ἔτι μὲν οὐκ ἔστι, ἀλλ' αἰνῶματι δὲ, οἷς δὲ αἰσὶν οἷς λέγει, θεοῦ οὐδ' ἐστὶν σῶμα* &c. h. e. nōn cum carne, nec tamen incorporeum, sed, quæis modis ipse nōvit, cum corpore Deo convenientiore, ut maneat Deus absque crassitie. Hinc per carnem, uti rectè Nicetas exponit, corruptibilis & passibilis caro intelligenda est, cum quâ utique haud redibit Christus. Eodem modo locutus est Athenagoras. Vide LEQUIENIUM ad Damascenum T. 1. f. 253. 254. itemque f. 658. ubi PET. MAN-
SUR eandem φράσιν adhibet & auctoritatem GREGORII allegat. Adde JAC. BOILEAU de sanguine Christi post resurrectionem. C. VI. p. 92. sqq. C. XI. p. 105. sqq.

rè ad vitam rediisse eandemque esse carnem, qua, cum mortua fuisset, revixerat. Caterùm nullam naturam partem abiecit, non corpus, non animam. Et sic eum ad iudiciũ quoque rediturum idem DAMASCENUS affirmat atque Aët. I. II. hanc in rem allegat (g). Nec reticenda sunt, quæ JO. CHRYSOSTOMUS ponit: *Si novimus Christum secundum carnem, nunc tamen non novimus. Dic mihi, numquid carnem deposuit & nunc non est cum corpore? Absit. Etenim & nunc in carne est. Hic enim Jesus, qui assumptus est à nobis in cælum, sic venies. Sic, quomodo? in carne cum corpore. Quomodo ergò ait: Et, si novimus secundum carnem, sed nunc jam non novimus. Quin &, si passibilem noveramus Christum, sed jam nunc non (h). CYRILLI ALEX. sententiam ὁμόῤῥῳν infra quoque damus (i). Accedunt Canones Concilii Constantinopolitani A. DXLV. contra Origenem. *Si quis dixerit, Domini corpus post resurrectionem fuisse atherum & figuræ Spharicæ &, quòd talia etiam reliquorum post resurrectionem futura sint corpora, & quòd ipso Domino primùm deponente proprium suum corpus & omnibus similiter, abibit in nihilum natura corporum, anathema sit. Porro, si quis dixerit, quòd futurum iudiciũ significat omnimodam corporum abolitionem & quòd finis conficta fabula est natura ex materia, &*
quòd*

(g) de fide orthodoxâ L. 4. C. 1. (h) hom. XI. in 2. Cor. Vide Concilia HARDUINI T. 4. f. 387. ubi eadem quoque CYRILLI ALEX. expositio verborum istorum adfertur: *Non autem hoc dicit Paulus, quòd non sit in carne Christus. Idem ita in epistolâ ad Successum, quæ l. c. f. 411. allegatur: Si susceptâ ejus carne in divinalis naturam desit esse filius hominis, liquebit utique omnibus, quòd filiorum adoptionis gloriam & nos deposuerimus. Et in sequentibus sæpius CYRILLUS innuit, carnem à Christo depositum non iri. (i) Vide notam præcedentem.*

quòd in futuro nihil eorum erit, qua constant materiâ, sed nuda & sola mens, anathemasis (*). Denique Concilium Constantinopolitanum A. DCCLIV. Aët. VI. hæc habet: Si quis non confiteatur, Dominum nostrum Iesum Christum cum assumptione, id est, animatâ carne suâ animâ rationabili atque intellectuâ Deo & Patri confidere sicque demùm venturum cum paternâ claritate suâ iudicare vivos & mortuos, non quidem jam carnem sed nec incorporeum, quibus ipse novit, rationibus, Deiformi cum corpore, quo & appareat his, qui eum pupugerunt, & maneat Deus absque crassitudine (k), anathema. Quæ in Concilio Nicæno II. A. DCCLXXVII. habito, actione itidem VI. prorsus approbata fuisse (l). Tacemus alia vetustiorum Patrum effata, eandem ferè sententiam efferentia, AUGUSTINI, GELASII, EPIPHANII, FULGENTII, FERRANDI, THEODORI ABUCARÆ, ALBINI, PAULINI, BERNARDI aliorumque, quorum verba PETAVIUS exhibet (m).

§. III.

Accedunt denique & testimonia Theologorum recentiorum, Romanensium, Evangelicorum, Reformationum, quæis omnibus ἐξαρώνιον hoc est, Christum semper ἡνείκετον mansurum atque in æternitatem usque hu-

E 2

ma-

(*) Can. X. XI. Græcam originem è codice Cæsareo primùm LAMBECIUS dedit. Eandem postea suæ Conciliorum editioni inseruit HARDUINUS T. 4. f. 286. & nuperrimè admodùm Bibliothecæ Græcæ Vol. XI. vir celeberrimus, J. A. FABRICIUS p. 32. 33. (k) Sunt verba ex GREGORIO NAZ. supra jam data.

(l) Vide Concilia HARDUINI T. 4. f. 423. & adde J. BOILEAU diff. quif. Theol. de sanguine Christi post resurrectionem C. XIII. p. 121. sqq. (m) de incarnatione L. XII. C. XVIII. XIX. ubi datâ operâ de perpetuitate incarnationis Christi agit Jesuita celeberrimus.

manitatem suam ſervaturum eſſe. Ex Romanenſibus inſtar omnium nobis eſt PETAVIUS, quem jam citavimus. Ex Reformatis prodire in ſcenam jubemus FRANC. TURRETTINUM, qui ita: *Vinculum iſtud arctiſſimum inter divinam & humanam naturam nec ſolum eſt unum quam nec poteris in aeternum ſolvi, ſiquidem, ut bene Synodi Chalcedonenſis Patres ſanciverunt, unio hypſtatica facta eſt ἀχωρίτως καὶ ἀδιαίρετως (n).* & JO. BRAUNIUM, qui ait, *veteres non inconcinne unionem duarum naturarum dixiſſe factam eſſe quoque ἀχωρίτως inſeparabiliter, quod natura divina & humana à ſe NUNQUAM POSSINT DIVELLI.* Saſu itaque, ita pergit ille, *incanē loquenti ſunt quidam veterum, qui docebant, divinam naturam humanam deſeruiſſe in morte Chriſti, quare exclamaveris, Deus mi, Deus mi, quare me dereliquiſti (o)?* Ex noſtris præ omnibus aliis dacta operā ſententiam ſuam heic ediſſeruit CASPAR ERASMUS BROCHMANDUS, qui in *Systemate univerſæ Theologiæ*, tomo primo, articulo decimo quinto de Chriſto θεανθρώπου, capite ſexto, ſectiōne quintā (p) de duratione aſſumptæ à λόγῳ humanitatis agit, quam, *plane æternam eſſe ſtatuit & argumentis probat.* Et verò Auguſtana Confeſſio articulo tertio de Filio Dei expreſſe affirmat, *duas naturas, divinam & humanam in unitate perſona INSEPARABILITER conjunctas eſſe.* Idem emphaticā prorfus dictiōne effert MART. CHEMNITIUS. in libello de duabus naturis in Chriſto, capitibus quarto & quinto. Loca præcipua ſunt: *Hæc unio adeo arcta, individua, inſeparabilis & indiſſolubilis eſt, ut divina natura τὸ λόγῳ nec velit, nec poſſit, nec debeat extra hanc cum carne unionem ſed in arctiſſimā illā unionem quari & apprehen-*

(n) de ſatiſfact. Chriſti p. 175. 177. (o) in doctrinā fœderum vol. 2. P. 4. C. 16. loco 19. §. 19. p. 527. 528. (p) l. 298. a.

prehendi (q). Et porro: *Veteres synodi dicunt, naturas unitas esse in Christo ἀδιαχώρητως indivise, ut dividi vel distrahī à se invicem non possint, ἀχώριστως inseparabiliter, ut nunquam & nusquam in aeternum à se invicem separari possint sed nexu inseparabili & fœdere perpetuo copulata sint & maneant* (r). Maximè verò tertium caput hīc conferendum est, cujus verba mox dabimus. Nec abludit sanè JO. GERHARDUS in loco theol. de Christo §. CXIX. CXXI. ubi & ἐκθὼς νῆσως JUSTINO M. tributam (s) allegat, in quā unio personalis ἀχώριστος dicitur, & CXXXVIII. JO. MEISNERUS ait, humanam Christi naturam in omnem aeternitatem permanere, idque ex Formula Concordiæ probare annuitur (t). Eandem sententiam tenet quoque in Christologiā BALTH. MEISNERUS (u), & JO. CONR. DANNHAWERUS, qui ita: *Δόγμα ἐν carne ἔς τὸ διηνεκὲς inseparabilis est. Si enim μέρη ἰσῆως ἔς τὸ διηνεκὲς Hebr. VII. 3. manet igitur etiam Deus & homo in perpetuum. Proprium ab eo, cujus est proprium, est comparabile est. At caro Filii Dei propria est, hinc toties mea caro, idem ἀῖμα. Ergo à Filio Dei inseparabilis.* (x) Repetit hæc JO. ANDR. QUENSTEDIUS in Systemate Theologico ad verbum (y). Addendus est KIL. RUDRAUFFIUS, qui ita inquit: *Unio personalis est aeterna, à parte post sc. & inseparabilis actu & potentiā, ordinatā puta, quia nunquam hāc gloriā & maiestate destituetur caro assumpta, ejus regni gloria & maiestas est aeterna* (z). Ma-

E. 3

ximè

(q) f. 19. (r) f. 23. (s) Non verò est Justinī M. sed Nestorianī cujusdam, uti existimat M. LEQUIEN in diss. IV. Damascenicā n. II. f. LIX. seqq. (t) in assert. Theol. de questione: Num Christus in triduo mortis verus homo manserit? §. 32. Adde & §. 23. 26. (u) disp. 5. th. 32. p. 39. (x) Vide Hodof. p. 618. & Christofoph. p. 47. Eadem utrobique verba reperias. (y) P. 3. f. 87. b. 414. 415. (z) in Philos. Theol. p. 95.

ximè verò veritatem hanc de perpetuitate humanæ Christi naturæ urget JO. GUIL. PETERSENIUS, qui & existimat, humanam Christi naturam productam esse ante mundum, & esse medium quid inter Deum & creaturam, sine quo nihil creari potuerit & per quod creata sint omnia, unde & Christus venturus fuisset, etsi homo non peccasset (a). Non vacat, hæc ipsa jam excutere, ne ab instituto nostro digrediamur. Cæterum Theologi nostri passim canonem supra laudatum suum faciunt: *Quod Christus semel assumpsit, nunquam deposuit vel dimisit.* (b).

§. IV.

Vix capi potest, qui existere potuerint, qui perpetuitatem humanæ Christi naturæ negarent. Fuerunt tamen, hunc qui errorem errarent. Ecce, quid hanc in rem *ὡς ἐν παρόδῳ* scribat eruditissimus Theologus, MARTINUS CHEMNITIUS, cujus & verba, quoniam opus habent, notis illustrabimus: *Cum hac, quæ firmissimè ex scripturâ constituta sunt, labefactari non posse viderentur, Eutyches cepit fingere, naturam humanam in Christo per hypostaticam unionem prorsus absorpsam in divinitatem, ut post unionem una tantum, divina scilicet natura fuerit in Christo. Quidam disputarunt, Christum assumptam humanam naturam tantisper solum gestasse, donec opus redemptionis absolvisset. Ideò Origenes disputavit, Christum*
in

(a) Vide das Geheimnis des Erstgebohrnen aller Creaturen von Christo Jesu dem Gott- Menschen passim. (b) Confer. c. g. M. CHEMNITII lib. de duabus nat. in Christo C. 5. f. 23. B. MEISNERI Christolog. p. 39. quart. vex. p. 39. JO. MEISNERUM l.c. §. 29. JOACH. LUTKEMANNUM in diss. de vero homine p. 100. JO. GEORG. DORSCHHEUM in Theol. Zach. p. 174. JO. ADAMUM SCHERZERUM in Syst. Theol. p. 240. aliosque infinitos.

in resurrectione aliam substantiam, ærei scilicet corporis, assumpsisse (c). Alii finxerunt, Christum in ascensione tabernaculum corporis sui deposuisse in sole, hoc est, in circulo, qui solis Zona nominatur, quia non fuerit possibile, ultra illud progredi (d). Tertullianus in libro de carne Christi inquit:

(c) Et hanc quidem sententiam Origeni tribuit Hieronymus. Nec Hieronymus saltem sed & Justinianus Imperator in literis ad Synodum Constantinopolitanam, ubi ita de Monachis Hierosolymitanis, Origenis sectatoribus: *Affirmant etiam, corpora penitus interire: ipso Domino primum, deinde reliquis omnibus suum corpus abjicientibus.* Vide Concilia HAR-
DUINI, T. 4. f. 282. ubi & textus Græcus habetur. Sed aliter de Origene Eusebius, qui Pamphili Martyris nomen sumsit. Hinc & Origenem contra ALLIXIUM defendit JAC. BOILEAU in diquis. Theol. de sanguine corporis Christi post resurrectionem C. 4. Imò & idem BOILEAU alios Patres plurimos, quæ sententiam de corpore Christi post resurrectionem æreo tribuit ALLIXIUS, ibidem magno conatu defensit & ab hoc errore liberare nititur. (d) Ita olim Seleuciani & Hermiani, qui negârunt, Salvatorem in carne sedere ad dextram Patris, sed exspoliâsse carnem & posuisse in solem existimârunt, quia dixerit Propheta: *in sole posuit tabernaculum suum.* Ita Philastrius C. 55. de hæresibus p. 110. 111. editionis, quam ante annum edidit JO. ALB. FABRICIUS. Ita & Augustinus de hæresibus ad QuodvultDeum n. 59. & auctor Prædestinati C. 59. Eandem sententiam Hermogeni attribunt Eclogæ Clem. Alex. f. 808. & Theodorus L. 1. hæret. fab. C. 19. Manichæis verò Gregorius Nazianzenus epist. 1. ad Cledonium idemque Augustinus L. XX. C. 2. contra Faustum, qui scribit, ex Manichæorum sententiâ Patrem in luce inaccessâ, Filium in luce solis & lunæ & Spiritum S. in omni æris ambitu sedem suam fixisse, & tract. 34. in Johannem, ubi ait, Manichæos putâsse, ipsum Christum Dominum esse solem. In Catenâ Patrum in Psalm. XVIII. existat, non attendendum esse hæreticis, *ὅτι φάσιν, μὴ αὐτὸν αἰνάζειν ὁ Σὺν ἡμῶν ἡμεῖς σφαίρα ἀπὸ τοῦ, ὃ ἐφάρατο*

(c) *inquis*: Erubescant, qui affirmant, carnem Christi in
cœlis vacuum sensu, ut vaginam, exempto Christo, se-
dere.

σῶμα, φυλάττειται μέχρι τῆς δευτέρας παρουσίας. Nescio vi-
rò, num hùc etiam spectent versus illi Sibyllæ, quos citat
Lactantius instit. div. L. 7. C. 19. & qui exstant in editione
SERVATII GALLÆI L. 3. p. 460.

Καὶ τότ' αἰὲν ἡλὶα πύμψου θύε βασιλῆα,

Οἱ πάντων γαῖαν πάντες πολέμοιο κακοῖο.

Obſervat JO OBSOPOEUS, legi in codicibus MSS. αἰὲν ἡλὶα
θύε πύμψου. Sed parùm refert. Sunt, qui cum hiſce componant
verſum illum Virgilii in Eclogâ IV. *jâm nova progenies cœlo de-
mittitur alto*, ac ſi è throno Dei, id eſt, ex ſole proditurus eſſet Chri-
ſtus. Atque hanc veterum Judæorum opinionem exiſtiſſe affir-
mat ISAACUS VOSSIUS de Sibyllinis oraculis C. 5. p. 45. ubi &
ait, veteres Gnoſticos & Hermogenem exiſtimâſſe, Chriſtum cor-
pus ſuum poſuiſſe in ſole, idque hauſiſſe eos ex oraculis Sibylli-
nis. Vide & JO. PEARSONIUM, Episcopum olim Ce-
ſtrienſem Anglum in the expoſition of the Creed ſ. 272, 273.
edit. lat. p. 482. & celeberrimum FABRICIUM ad Phila-
ſtrium p. 110. 111. Eundem errorem Origeni olim quoque
tributum fuiſſe narrat Pamphilus Martyr ſeu potiùs Euſebius,
qui verò Origenem defendit. Vide HUMFREDI HO-
DY the reſurrection of the (ſame) Body aſſerted p. 159.
Conferri cum hiſce poſſunt, quæ apud CALOVIUM in Syſt.
loc. Theol. T. 7. p. 709. ſqq. exſtant, ubi ita ille: *Sociniani
blaſphemè nugantur*, Chriſtum corpus ſuum in aſcenſu in cœ-
los exuiſſe interque ſydera reliquiſſe, quodd naturâ immortale
ſit. Vide Smalcium de Deitate Chriſti C. 14. & Ref. Nov. Monſtr.
p. 201. Joh. Crell. in 1. Cor. XV. p. 224. *Schwenckfeldiani aſſer-
runt*, humanam naturam Chriſti poſt aſcenſionem in cœlum
non eſſe creaturalem ſed prætercreaturalem. Vide Schwenck-
feld. l. de div. Majeſt. Weigeliani pariter contendunt, carnem
Chriſti poſt aſcenſionem deſuiſſe eſſe carnem humanam,
Vide Weigel. in Phil. Myſt. p. 221. „Hactenus CALOVIUS, quâ
dein hæc reſutur & variis argumentis theſin orthodoxam de per-
petuitate Corporis Chriſti ibidem adſtruit. (c) C. 24.

dere. *Apelles finxit, Christum carnem suam non ex Maria carne & sanguine sed ex immediatâ mixtione quatuor elementorum assumpsisse, quam in morte per viam resolutionis in elementa mundo reddideris ac sine carne illâ assumptâ resurrexeris & ad cælos ascenderis* (f). *Apud Damascenum in catalogo hæresium* (g) *vocantur* *χριστοῦσις*, *qui fingunt, Christum, quando ab inferis resuscitatus est, corpore ac animâ ibi relictis, cum solâ divinitate cælum ac superna petis-*
se (h). *Fuerunt etiam, qui illud* 1. Cor. 15. *Tunc & filius*
F sub.

(f) Autores veteres hanc in rem allegat TH. ITTIGIUS in diss. de hæresiar. his ævi Apostolici Sect. 2. C. 8. §. 6. p. 161.

(g) num. XCIII. Non erat ratio, cur librum hunc JO. DAMASCENO, etsi magna pars ex EPIPHANIO petita sit, abjudicaret LEO ALLATIUS de JOANNE DAMASCENO n. 39. seqq. apud MICH. LEQUIEN in proleg. f. XXIII. qui in admonitione libro huic præmissâ T. I. f. 75. consuli potest. Locus, qui hic à CHEMNITIO citatur, exstat in editione JO. BAPT. COTELERII in monum. Eccl. Græcæ T. 1. p. 323. in editione verò LEQUIENII, operum Damasceni T. 1. fol. 108. Quod restat, magnam partem libelli Damasceniani de hæresibus me in codice Græco Taurinensi, qui Euthymii Zigabeni Panopliam dogmaticam exhibet, legisse memini.

(h) Non pigebit lectorem, notam eruditissimi MICH. LEQUIEN, quam huic loco addidit, heic adscriptam legisse. Ita verò ille: *De Christolytis noster iisdem verbis scribit, quibus Constantinus Copronymus, cujus textum Nicephorus Constantinopolitanus recitat antiirrhet. 1. C. 34. Videntur ambo hac hausisse ex vetustiore autore. Christolyta fuit Stephanus Gobarus, qui Christum non venturum carne, ut homines iudicet, sed nudâ divinitate docuisse ferunt apud Phot. cod. 232. Christolyta erant Eutychiani illi, qui apud Theodoretum dial. 2. Christum, positiâ humanitate, in cælum abiisse fatentur. Hæc doctissimus LEQUIEN f. 108. 109. Quod restat, ad Christolytas vel maxime Cerinthus pertinet, cujus error notus est. Maxime verò Nestoriani huc spectant.*

subjicietur Patri, *ita interpretati sunt, quòd post extremum iudicium humana natura absorbebitur à divinà, ita ut Christus post extremam diem tantum divina natura futura sit, absorptà prorsus humanà, sicut Augustinus recitat lib. 1. de Trinitate cap. 3. Et Hilarius alicubi (i) ad hanc opinionem alludere videtur. Sed Scriptura tradit, Christum post unionem habuisse & retinuisse veram humanam naturam, & in illà ipsà humana substantià resurrexisse, quam à Spiritu S. conceptam & ex Marià assumptam ante resurrectionem gestàrat. Inquit enim Luca 24. Ego ipse sum, habens manus, pedes, latus, carnem, ossa, &c. In illo verò corpore ascendis in cælum & ad iudicium rediturus es, ita, sicut visus fuit ascendere Actorum 1. Et tunc corpus illud videbunt, quod in passione compunxerunt. Joh. 19. Apoc. 1. Et post iudicium semper erimus cum illo Domino, qui in nubibus venturus est ad iudicium 1. Thess. 4. Et in novà Jerusalem Apoc. 21. in visà aternà Agnus eris lucerna, in cuius lumine salvati ambulant. Distinctè autem ibidem nominatur Deus omnipotens & agnus. Et dulcis est consolatio, quòd certissimum pignus salutis & glorificationis nostra est humana natura in Christo, ad dexteram Patris collocata, in quà vultui Dei apparet pro nobis Hebr. 7. ut conformes aliquando reddamur corpori ipsius glorioso Philipp. 3. In illà ipsà naturà, quā sumus caro de carne ejus & os de ossibus ejus, veniet ad iudicium, ut eò alacriores diligamus adventum ipsius 2. Tim. 4. Hoc nexu & hac copulà perpetuò adhærebimus Deo in visà aternà. Verissimum igitur est usitatum illud Theologorum dictum: Humanam na-*

14

(i) L. XI. de Trinitate, ubi sub finem ait, *carnem Christi in spiritu devorata esse. Sed orthodoxa, credo, mens est Patrum præstantissimi. Cæterum locum illum 1. Cor. XV. 24. 28. de quo & infra dicemus, egregiè HILARIUS explicat.*

turam, quam Filius Dei semel assumpsit, in aeternum nunquam deponet, sed perpetuo federe manebis in perpetuum copulatio illa divina & humanæ natura in Christo. Ut igitur hunc locum tandem concludamus, vera Scriptura de humanâ naturâ in Christo sententia hac est, quod Filius Dei in plenitudine temporis PERPETUO FOEDERE, IN ÆTERNUM NON SOLVENDO, sibi copulavit humanam naturam &c. Hæc incomparabilis CHEMNITIUS, quæ ob raritatem argumenti, ab aliis haud ita evoluti, plena hîc posuimus (k) atque ex historię ecclesiasticę monumentis in notis illustravimus,

§. V.

Et si verò CHEMNITIUS pro insigni, quâ floruit, historię dogmatum notitiâ rem exhaustisse plenumque eorum, qui perpetuitatem humanæ Christi naturæ olim negavere, indicem dedisse sic videatur, sunt tamen quædam hîc, quæ spicilegii loco addenda nobis veniunt. Non autem jam in scenam eos producemus hæreticos veteres, qui Christo non verum corpus sed phantasma saltem corporis tribuerunt aut qui eundem corpus suum de cœlo detulisse somniârunt. De Origene memorat in paschali epistolâ secundâ THEOPHILUS, quod Christi regnum perpetuum minimè fore putaverit (l). Addendus est ex HIERO. NYMI epist. LIX. ad Avitum alius Originis error, ex secundo tertioque libro de principiis erutus, ubi statuit ille, post resurrectionem & cùm omnia Patri subjecta fuerint, homines habere corpora desituros ac totam naturam corporis interituram, ex quo sequitur, Christi

F 3

quo-

(k) Ex libello de duabus naturis in Christo & hypostaticâ earum unionem C. 3. f. 17. (l) Vide Bibl. Patr. T. III. f. 95. 96.

quoque corpus esse perituum hominemque adeò eundem non amplius fore. Ast, cum hæc ipsa in libris Origenis de principiis, prout hodiè exstant, haud habeantur, de hac ipsius sententiâ dubitat scilicet DION. PETAVIUS (m). De Apolinario jam quædam ex GREG. NAZ. diximus. Eandem sententiam Eutychiani tenent, inter quos sunt, qui statim à conceptione, alii, qui post resurrectionem & ascensionem humanitatem à divinitate absorptam esse ajunt. Spectat huc Eranistes hæreticus, qui in Theodoreti dialogo II. rogatus, quo tempore humanitas Christi ex-
stare

(m) de incarnatione L. XXII. C. 18. §. 2. 3. Imò HUMFREDUS quoque HODY Origenem heic defendit ostenditque, ipsum errorem istum non errasse, in the resurrection of the (same) body asserted p. 108. seqq. 152. seqq. Nihilominus hallucinatum ita esse Origenem contendit MICH. LEQUIEN ad Damascenum T. I. f. 253. in notâ 1. Et sanè in Justiniani Imperatoris libro adversus Origenem ex secundo *ἐκ τῶν* allegatur locus ita sonans: *Quod si subiecta Christo tandem subiciuntur & Deo, corpora deponentur ab omnibus: arbitrorque, futuram tunc in non ens resolutionem.* Vide Concilia HARDUINI T. 4. f. 278. Idem in literis Justiniani ad Synodum Constantinop. repetitur, ubi dicitur, quòd statuerint Origenistæ Hierosolymitani, *Christum quoque corpus suum deposuerunt.* Qui error dein in eodem Concilio C. X. XI. fuit damnatus, uti supra vidimus. Vide Concilia HARDUINI T. 4. f. 282. 286. Addimus *ὡς ἐν παλαιοῖς* & id, quod supra ad p. 20. notam (a) pertinet, statuisse quoque Origenem, *Christi animam prius existisse eique Deum Verbum esse unitum, antequàm à Virgine incarnaretur.* Hinc in libro Justiniani adv. Origenem in anathematismis tertio loco hic ponitur: *Si quis dicit aut sentit, primum conformatum esse Corpus Domini nostri Jesu Christi in utero Maria Virginis ac postea unitum ei esse Deum Verbum & animam, nupte, qua ante fuisse, anathema sit.* Vide Concilia HARDUINI T. 4. f. 258. 279.

stare desierit, respondet, eam in resurrectione à divinâ naturâ absorptam esse. (n). Maximè verò inter veteres perpetuitatem humanæ Christi naturæ negasse fertur MARCELLUS ANCYRANUS. Nam, uti PETAVIUS rem effert (o), *regnum Christi post aliquantum temporis desitutum esse credidit, ut & æconomiam ipsius, id est incarnationem, qua videlicet nihil illi fuisse visa est aliud, præterquàm temporalis quadam administratio, qua perfunctus, velut actor fabula, personam posuerit.* En verba EUSEBII (p), quæ latina statim dabimus: *Quod vero præter opinionem ab illo dictum est, tale est: cepisse Filium Dei omnia illa gerere annis abhinc minus quadringentis, ac rursus subito desitutum post iudicii diem, quando & Verbum Deo unitum fuerit, adeo ut nihil aliud sit pater Deum, & caro, quam assumptis, scilicet relinqueretur à Verbo, ut nec Dei Filius aliquando subsistat, nec Filius hominû, quem assumpsit.* En & illa CYRILLI HIEROSOLYMITANI (q), quæ itidem mox latina damus: *Quod si forte aliquem audiretur dicentem, quod finem habeat Christi regnum, hanc heresin exsecrare: draconis est alterum caput, quod novissimè circa Galatiam succrevit. Ausus est quidam (r) dicere, post mundi finem regnaturum non esse Christum, nec pronuntiare veritatis est, quod Verbum à Patre egressum, ipsum rursus in Patrem resolutum, amplius non erit, talis in sui ipsius perniciem blasphemia vomens.* Probat dein regni theanthropici

F 3

(n) Vide PETAV. de incarn. L. I. C. 14 §. 7. & L. X. C. 7. §. 1. seqq. ubi verò perperam Lutheranos in Eutychianismi consortium ob ubiquitismi, quæ criminatio ipsius est, dogma vocat. (o) l. c. § 5. (p) L. II. de Eccles. Theol. C. 13. Caterùm tùm in his libris, tùm in aliis duobus contra Marcellum libris eundem datâ operâ refutat EUSEBIUS. (q) in Catechesi XV. §. XXVII. f. 239. editionis Touttañæ. (r) Hic verò est Marcellus iste Ancyranus.

tropici æternitatem CYRILLUS ex Job. VIII. 35. ὁ υἱὸς μένει εἰς τὸν αἰῶνα, item ex Luc. 1. 32. Dan. VII. 13. II 34 44. Psalm. XLIV. 7. Cl. 26. 27. 28. Hebr. 1. 8 10 &c. ex quibus ea, quæ §. 1. diximus, locupletari possunt. Respondet quoque postea ad objectiones ex 1. Cor. XV. 25 28 perituras Sed verò mirum est, quàm diversè de MARCELLO hoc ejusque hæresi senserint & Concilia vetera, ubi mox damnatus, mox absolutus fuit (s), & Patres veteres () & Scriptores recentiores (u). Errorem tamen de finiendi Christi regno & de deterendâ à Verbo humanitate certissimè

(s) Ita damnatus fuit Marcellus in Synodo Hierof. A. 335. Constantinop. A. 346. Philippopol. A. 347. & Constant. 1. Oecum. A. 481. sed absolutus in Concilio Rom 342. & Sardicensi A. 347. (t) Ita Marcello fauerunt tantisper Julius I. Episcopus Romanus, Athanasius, Epiphanius, damnârunt cum cæteri ferè ad unum omnes, Eusebius, Gregorii, Naz. & Nyssenus, Cyrillus Hierof. Hilarius, Sulpitius Severus, Basilus, Acacius Cæsariensis, Socrates, Sozomenus, Theodorus, Chrysostomus, alii Videatur tamen & Jo. Damascenus hæz. 72.

(u) Confer, si placet, DION PETAV. de Trinitate L. I. C. 13. §. 1. seqq. & de incarnat. L. I. C. 3. §. 10. 11. RICH. MONTACUTIUM sub initium notarum ad Eusebium contra Marcellum, GUIL. CAVE in histor. liter. Script. Eccl. ad A. 330. & Marcellum, BERNARDUM MONTFAUCONIUM, qui diatribam de causâ Marcelli Ancyranî tomo secundo Collectionis novæ Patrum præmisit, ubi causam Marcelli agit, & GUIL. WHISTONUM in a dissertation upon the Epistles of Ignatius, quæ exstat Vol. 1. of the primitive Christianity reviv'd, p. 89. seqq. ubi & MONTFAUCONIUM refellit & ostendere conatur, vel Marcellum vel quendam ipsius sectatorum compilasse epistolas Ignatianas, breviores illas, quæ hæcenus genuinæ creditæ sunt, capropter, quòd in iis (brevioribus, non prolixioribus, quæ communiter interpolatæ dicuntur,) ad Smyrnicos §. 3. Magnesianos §. 7. Ro-

tiffimè erravit, unde & Patres Concilii Constantinopolitani Oecumenici II. nominatim GREGORIUS NYSS. S symbolo Nicæno hæc de Christo verba addidit: ὁ ἦς βα-

σι-

manos §. 3. dicatur Christus *ἐν ἑνᾷ ᾧ καὶ χωρὶς αὐτοῦ, ἐν Πατρὶ ὄν, πρὸ πάντων αἰώνων* & ἰὺ Πατρὶ, quæ omnia in prolixioribus haud inveniantur, ubi ad Magnesianos §. 6. expressè dicatur de Christo: καὶ ἐν τῇ οὐσίᾳ αὐτῶν διὰ τὸν ὅτι αὐτὸς διὰ μέντοι, τῆς γὰρ βασιλείας αὐτοῦ ἐν ἡμῖν ἵσταται, quæ verba in breviori editione omissa sint, crasa nempe à Marcello, cujus exstiterit sententia, incarnationem & regnum Christi haud fore perpetuum. p. 92. Addenda de Marcello adhuc est A. A. TOUTTÆI nota ad Cyrillum Hierof. f. 239. Digna verò illa est, quam hic adscribamus: *Marcellus Ancyranus, cum adversus Asterium, Sophistam Arianum librum scripisset ad explicandum locum Apostoli de Filii subjectione ergo Patrem, Sabellii & Pauli Samosatensis hæresin instaurare visus est. Quare in Concilio Hierosolymitano anni 335. deprehensus ab Episcopis, quod prava sentiret, & sententiam mutare iussus, librum se igni daturum pollicitus est. Constantinum postea adivit; à quo ad Concilium CP. anni 336 remissus Episcoporum sententiâ sacerdotio dejectus est. Hac ex Socrate L. f. Hist. C. 36. & Eusebio L. 1. contra Marcellum p. 55. & 56. Idem tamen à Concilio Romano A. 342. & Sardicensi A. 347. absolutus, utrum verè hæreticus fuerit, Criticis disputandi occasionem dedit. Si his ista ex Patrum & autorum ecclesiasticorum sententiâ estimanda sit, omnes penè accusant Marcellum, pauci defendunt, aliqui dubi hærent. Si ex confessionibus fidei, Marcelli & discipulorum, nihil est, quod in illis iure reprehendatur, (Et huc vel maxime provocat MONTFAUCONIUS.) Si ex fragmentis librorum eius ab Eusebio transcriptis, Marcellum forte ab hæresi Sabellianâ & personarum, Patris & Filii confusione utique absolvet, ab hæresi verò de finiendo Christi regno & deserendâ à Verbo, quam nostrâ salutis causâ suscepit, humanitate vix ac ne vix quidem: adde di' erra sunt ejus verba, ab Eusebio in primis lib. 2. contra Marcellum commemorata pag. 50. & 51. Si denique ex iudiciis Synodalibus, erit potior Conciliorum Romani & Sardi-*

συνέειν ἐκ ἑσπερίων, CUIUS REGNI NON ERIT FINIS (x). Quæ etsi alibi, ubi Symbolum Nicænum recenseretur, haud adjecta semper conspiciantur, leguntur tamen & in eâ Symboli Nicæni editione, quæ Augustanæ nostræ Confessioni præfixa est, ubi Symbolum non Nicænum merum, sed Nicæno-Constantinopolitanum exstat (y). Quod restat, Christum planè defuisse in morte Sociniani nugantur, ut constat, qui & ajunt, Christum in resurrectione, corpore priore deposito, assumpsisse spiritale aliud, carne & sanguine carens (z).

§. VI.

ensis, quam Hierosolymitani, CP. & Philippopolitani auctoritas. Quæ tamen Cyrillum nostrum, Basilium & Patres penè omnes tam Latinos, quam Græcos non prohibuit, quò minus Marcellum aliut certum hæreticum, alii saltem, uti maximè suspectum haberent, Conciliumque (P. Oecumenicum II. Marcellianos in veris hæreticis numerat. Hactenus TOUTTÆUS. Ego existimaverim, Marcellum revera hæreticum fuisse vastique ingenii hominem, qui tùm voce, tùm in libris sententiam animi suam sæpius dissimulaverit & texerit, ne orthodoxorum gratiam perderet, hosque dein sic scellerit & circumscripterit. Qui plura de Marcello nosse volet ex libro, qui ad manum est, adeat dignissimi D. WEISMANNI nostri Hist. Eccl. N. T. P. I. p. 251. 252. (x) Vide de additione hâc DION. PETAV de incarnat. L. XII. C. 18. §. 9. seqq. Minus est, hæc ipsa reticere novum Autorem JO. CASP. SUICERUM, Canonicum & Professore Tigurinum, qui ante hos quatuor annos Symbolum Nicæno-Constantinopolitanum eruditè expositum à se & ex antiquitate Ecclesiasticâ illustratum Trajecti ad Rhenum edidit. (y) Vide AD. RECHENBERGII, Theologi nuper Lipsiensis primarii append. ad libros Symbolicos C. 9. §. 8 p. 111. (z) Vide J. A. SCHERZERI Colleg. Anti-Socin. p. 586. seqq. 595. seqq. 614 seqq. & A. CALOVII Scripta Anti-Sociniana P. 2. f. 216. seqq.

§. VI.

Ast ne sic quidem recensionem eorum absolvi-
mus, qui perpetuitatem humanæ Christi naturæ negant.
Pertinent enim huc etiam illi, qui existimant, fuisse ali-
quando tempus, ubi unio personalis inter divinam &
humanam Christi naturam, ubi incarnatio fuerit soluta.
Tales sunt illi primò, qui causantur, humanitatem
Christi à λόγῳ illo tempore desertam fuisse, quando
Christus in cruce exclamaverit: *Deus meus, Deus meus,*
quare me dereliquisti? Matth. XXVII. 46. Marc. XV. 34.
tales & sunt secundò, qui putant, unionem personalem
in morte solutam fuisse. Eja, indicem quendam eo-
rum, qui sic hallucinati (a) sunt, demus paucis.

§. VII.

Et verò sunt ex Patribus plurimi, qui hunc er-
rorem olim erravere. Antecedat omnes NOVATIA-
NUS, qui de Trinitate C. XVI. ita: *Sermonem Dei scimus*
indutum carnis substantiam eundemque rursus exutum eadem
corporis materiâ, quam rursus in resurrectione suscepit &
quasi indumentum resumpsit, quæ ipsa ibidem ille iterum
iterumque reperit. Subsequatur HILARIUS Piſtavi-
ensis, qui in commentario in Matthæum, canone XXXIII.
hæc ponit: *Clamor verò ad Deum corporis vox est,*
RECEDENTIS A SE VERBI contestata dissidium.
Excipiat HILARIUM EPIPHANIUS, qui hæresi XX.
quæ est Herodianorum, ait, corpus Christi in resurre-
ctione cum divinitate iterum *conjunctum fuisse, non amplius dis-*
G dis-

(a) Longè gravius hallucinatus est Apollinarius, qui existimavit
in triduana Christi morte divinitatem quoque com-
mortuam & Patriis demum beneficiis ex morte revoca-
tam fuisse. Vide GREGORII NAZIANZ. epistolas ad Ne-
ſtarium & Cledonium.

dissolvendum, & hæresi LIX. quæ est Arianorum, scribit, humanitatem Christi, cum videres, divinitatem jam in procinctu quodam esse, ut sanctum corpus defereres, verba ista pronuntiâsse: Deus meus, Deus meus, quare me dereliquisti? Succedat AMBROSIUS Mediolanensis, qui in commentario in caput Lucæ XXIII. L. X. hæc habet: Clamavit Jesus, voce magnâ dicens: Deus, Deus meus, respice me, quare me dereliquisti? Clamavit homo, DIVINITATIS SEPARATIONE moriturus. Idem in Symbolum Apostolorum capite XXIII. non saltem eadem verba repetit, sed & hæc addit: Deus autem, qui Verbum & Spiritus est, qui, ubi vult, spirat, carnem humanam animamque susceptam non deseruit invitæ, sed quia voluit, ubi voluit, quomodo voluit & quando voluit, relinquens posuit eam & iterum assumpsit eam. Non ergo cujuscumque jure ac potestate exutus est carnem sed ipse se exuit. Nam, qui potuit non mori, si nolisset, procul dubio, quia voluit, mortuus est. Quod ita esse comprobans, SPOLIANS SE CARNE (b)
princi-

- (b) Respicit AMBROSIUS ad Col. II. 15. ubi verò in origine Græcâ de carne legitur nihil, sed simpliciter exstat, ἀνδραμινοῦ & τοῦ ἀρχαίου καὶ τοῦ ἱεροῦ. Syrus tamen interpres vertit: Et in exuione corporis sui. Ita & Latinus interpres vetus. Ecce locum NOVATIANI de Trinitate C. 16. Apostolus de Christo refert, ut exutus carnem potestates debonestavit, palam triumphatis illis in semetipso. Ita sanè & legērunt HILARIUS & AUGUSTINUS, uti observant PETAVIUS de incarnat. L. XII. C. 19. § 2. qui loca ex ordine recenser, & JO. MILLIUS ad h. l. Addi adhuc potest PHILASTRIUS C. 55. de hæresibus p. 110. editionis nuperæ, quam dedit clarissimus FABRICIUS. Credibile est, ait PETAVIUS §. 3. Patres illos, qui sic verterunt, spolians se carne, exuens se carne, exutus carne, existimâsse, participium ἰνδυνάμην reciprocâ habere significationem, qualis apud Hebræos est conjugatio

principatus & potestates exspoliavit. Quintus ordine procedat LEPORIUS, qui in libello emendationis sive satisfactionis ad Episcopos Galliz scripto, cui Augustinus (c) aliique Episcopi subscripserunt, in eandem sententiam fatur: nisi quod ajat, corpus quidem à divinitate desertum esse, sed non animam. Verba sunt: *Ut verè manifestèque Filius Dei secundum carnem se ostenderet moriturum & velut carnis ipsius voce utens, ponens prateritum pro futuro, quia per mortem crucis NECESSARIO TERRENUM CORPUS ERAT A DEO PRO TEMPORE RELINQUENDUM, non solum à Deo, verum etiam ab animà suà, qua erat unita cum Deo, hoc ipsum, priusquam fieret, nobis moriens testaretur.* Ac potro: Divinitas cum unità sibi animà non crucifixum hominem reliquit in penam sed exanimem carnem deseruit ad tempus. Hæc LEPORIUS, qui verò maximè hic ad mortem Christi respicit. Sexto lo-

G 2

co

hiipaël, secundum quam Hebraicè diceretur מְשַׁחֵם hoc est, spolians vel exuens se. Ubi veteres illi subaudiendam carnem putarunt. Ita censet Erasmus, quem frustra Beza redarguit: quod Christus carnem nunquam abjecerit. Sed rectè occurritur ex Augustini interpretatione illà, quam ex libro XVI contra Faustum adduximus, (nempe, ut per carnem saltem mortalitas intelligatur,) qua re ipsa procul dubio admittenda foret, si spoliatus carne esse Verbum dixisset Apostolus. Sed non dixit. Solos enim Principatus & potestates, id est; demones spoliatos esse voluit, non autem Christum ipsum. Hactenus PETAVIUS, qui addere adhuc poterat, Patres, ubi exuens se carne vertunt, respicere ad luctatorum & cursorum morem, qui ceteraturi vestem deponere solebant. Sed clarum est, Paulum hic de Christo non dicere, quod se exuerit, sed quod *τὰς ἀρχὰς καὶ τὰς ἐξουσίας* exuerit.

- (c) Hinc & libellum hunc AUGUSTINO tribui videas à PASCASIO QUESNELLO in notis ad Epistolam Leonis M. CXXXIV. Opp. Leoninorum T. 2. f. 508, 509.

co memorandi sunt VITALIS & CONSTANTIUS, Hispani, qui in epistolâ ad CAPREOLUM, Carthaginensem Episcopum ita de hæreticis quibuscûq; : *Sed & hominem purum dicunt pendisse in cruce, (d) comprehensum ajunt, Deus recessit ab eo. Quibus parvitas nostra sic dicit: Nunquàm Deus recessit ab homine adsumto, nisi quando dixit de cruce: Heli, Heli, lamma sabaçtani, Deus meus, Deus meus, quare me dereliquisti (e)?* Plures, qui in hanc sententiam iverint, memoriæ jam haud succurrunt.

§. VIII.

- (d) Fuit hæc ipsissima Cerinthi hallucinatio, qui statuit, *Christum à Jesu, cùm pateretur, avolâsse iterum & Jesum passum esse & resurrexisse, Christum autem impassibilem perseverâsse existentem spiritalem.* Vide IRENÆUM adv. hæ. L. 1. C. 26. §. 1. Hinc existimat CHRISTIANUS LUPUS in notis ad Tertullianum de præscript. p. 551. ad hunc Cerinthi errorem respexisse Petrum, cùm 1. Ep. IV. 1. scribit, *Christum carne passum esse.* Adde EPIPHAN. hæ. 28. C. 1. qui eundem Cerinthi errorem refert.
- (e) Vide HUGONEM DE S. VICTORE L. 2. de sacramentis Christianæ fidei, P. 1. C. 10. Opp. T. 3. f. 273. ubi ista allegantur & refutantur. Cæterùm benigne ibi locum AMBROSII supra datum idem explicat, & id, quod derelictum se à Deo Christus in cruce queritur, exponit sic: *Dereliquit, quia auxilium non consulit, sed non dereliquit, quia præsentiam non abstulit, subtraxit protectionem, sed non separavit unionem.* Ita & PETRUS LOMBARDUS, Magister sententiarum L. III. sentent. dist. 21. monet, HILARII & AMBROSII dicta non esse intelligenda de eâ separatione divinitatis ab humanitate, quâ personalis unio fuisset soluta, sed quâ separari potuerat divinitas ab humanitate, præstando eam auxilium, quibus mortem effugeret, & nullam præbendo consolationem. Ast vix procedit hæc explicatio, si verba Autorum probè ponderemus. Confer tamen PETAVIUM de incarnatione L. XII. C. 19. §. 4. & JO. GERHARDI Harmoniam Evangelicam C. ccii. f. 2014. a.

§. VII.

Abfit verò, in hanc errantium classem ut eos quoque referamus, qui existimant, Christum in triduo mortis verum hominem haud existisse. Hi enim, etsi ita secum statuunt, unionem tamen personalem inter divinam & humanam naturam haud solutam esse tùm affirmant, etsi vinculum inter animam & corpus Christi fuerit solutum. Rectissimè JO. DAMASCENUS: *Quamvis igitur Christus, ut homo, mortem obierit sanctaque ipsius anima ab immaculato corpore distracta sit, divinitas tamen à neutro, hoc est, nec ab anima, nec à corpore quoquo modo sejuncta est, neque propterea persona una in duas divisa fuit, siquidem & corpus & anima simul ab initio in Verbi persona existentiam habuerunt, ac, licet in morte divulsa sint, utramque tamen eorum unam Verbi personam, quâ subsisteret, semper habuit* (g). Eandem in sententiam fantur ATHANASIUS, GREGORIUS NYSSENUS (h), AUGUSTINUS, FULGENTIUS, FERRANDUS, BERNARDUS alique Patres complures, quorum loca præstantissima producunt & citant DION. PETAVIUS (i) & MICH. LEQUIEN (k). Jam verò quaeritur, num, vinculo inter animam & corpus Christi soluto, tamen Christus in triduo mortis verus homo permanserit? Si enim verus homo haud permansit, nec divina natura cum vera natura humana videtur permansisse. Itaque sanè operæ pretium est, & hanc excutere quaestionem. Primò autem Autores dabimus, qui arma hæc conserunt, & in partes eunt. Secundò rationes & argumenta utriusque partis dabimus. Tertiò, num conciliari hæc

G 3

con-

- (f) Unus tamen excipendus est, anonymus ille, contra quem FEURBORNIVS in locis infra citandis agit. (g) de fide orth. L. 3 C. 27. (h) in epist. ad Eustathiam & Ambrosiam. Vide supra p. 32. (i) de incarn. L. XII. c. 19. §. f. seqq. (k) ad Damasc. T. I. f. 251.

controversia & in λογομαχίαν num redigi possit, videbimus.

§. IX.

Quod primum Autores heic dissentientes spectat, in duas, uti par est, acies ipsos dispecimus. Quod antequam facimus, pramonemus, nos nullos heic Patres adducturos, utpote, quorum ævo hæc controversia nondum ventilata fuit. Qui tamen phrasas ab iis adhibitæ nosse heic voluerit, adeat D. PETAVIUM *(l)* & JO. MEISNERUM *(m)*. Non fuisse Christum in triduo mortis verum hominem, inter Scholasticos maxime asseruerunt ALEXANDER ALENSIS, THOMAS AQUINAS, BONAVENTURA, DURANDUS, MARSILIUS AB INGEN & GABRIEL BIEL *(n)*, quos hodiè communiter sequuntur Theologi Romanenses, ex quibus solum allegamus DION. PETAVIUM, è soc. Jesu *(o)*. Ex nostris hanc sententiam adoptârunt BALTH. MEISNERUS *(p)*, ALBERTUS GRAWERUS *(q)* & JOACH. LUTKEMANNUS *(r)*, ex quibus tamen MEIS-

NE-

(l) de incarn. L. XII. C. 19. §. 5. seqq. *(m)* in assert. de quæstione: an Christus in triduo mortis verus homo permanferit? §. 29. 30. ubi maxime AUGUSTINUS allegatur. *(n)* Loca dat B. MEISNERUS quæst. vex. II. p. 24. seqq. *(o)* de incarn. L. XII. C. 20. *(p)* in quæst. vexat. qu. 2. de triduo mortis Christi & in Christologia Sacra disp. 5. §. 34. p. 39. *(q)* in prælect. acad. in Aug. Conf. art. 3. & quæst. illustr. disp. 6. n. 8. *(r)* in diff. physico-Theologicâ de vero homine p. 51. seqq. ubi p. 107. seqq. DANNHAWERI Christosophiam refutat, quam dein in Hodosophiâ p. 629. seqq. DANNHAWERUS defendit. Addi adhuc LUTKEMANNO potest quartus, cujus nomen nos latet. Vide Consil. Dedekenni app. novâ f. 68. & Calovii Syst. loc. Theol. T. 7. p. 667. Nomen tamen exprimunt ungeschuld. Nachr. A. 1714. p. 921.

NERUS (s) sententiam retractavit. Eandem opinionem tenent ex Reformatis FR. ANCISCUS BURMANUS (r) & JOH. BRAUNIIUS (u). Accedunt SOCINIANI, qui ajunt, Christum in triduo mortis planè desuisse (v). Contrariam thesin, quòd nempe Christus in triduo mortis verus homo permanferit, ex Scholasticis defenderunt PETRUS LOMBARDUS & HUGO DES. VICTORE (w). Jam verò nostri in hanc sententiam ubique pedibus eunt. Vide allegata loca librorum Symbolicorum & Theologorum à JO. MEISNERO (x) & JUSTO FEURBORNIO (y).
Præ.

(s) in diss. de merito Christi Wittebergæ A. MDCXXIV. defensa, ubi hæc verba ponit: *Defendi aliquando sententiam Thoma, Christum in triduo mortis non permansisse verum hominem. At enim verò & usus & lectio & cribratio & Theologorum admonitiones aliud me docuerunt. Quapropter sententiam priorem revoco & contrarium huic dogma meo inculco semperque viculabo.* Idem memorat & de MEISNERO FEURBORNIUS in literis ad Fac. Theol. Lips. & Jen. quòd ille monitus ab HOEO, GERHARDO & MENZERO sententiam retractaverit. Vide Conf. Dedekenni in appendice novâ f. 72. QUENSTEDIUM in Syst. Theol. P. 3. f. 416. & JO. HENR. FEUSTKINGII palinodiam sacram, sive schediasma de retractationibus Theologorum in rebus fidei §. XLI. p. 104. seqq. ubi tamen sententiam MEISNERI valdè confuse refert atque ait, inter illum & JAC. MARTINI litem eo tempore Wittebergæ hoc de argumento agitatam fuisse. (r) in Synopsi Theol. T. 2. L. V. C. 18. §. 3. p. 94. 95. (u) in doct. ford. Vol. 2. P. 4. C. 17. §. 13. p. 540. (v) Vide QUENSTEDII Syst. Theol. P. 3. f. 416. (w) Loca eorum exhibet DION. PETAVIUS de incarn. L. XII. C. 20. §. 2. sed refutat etiam in sequentibus. Adde B. MEISNERI Quæst. vix. II. p. 22. seqq. & QUENSTEDII Syst. Theol. P. 3. f. 415. 416. (x) in diss. de Christo vero homine in triduo mortis §. 31. seqq. (y) apud Dedekennium in append. novâ f. 71.

Præcipuos saltem hic memoremus JO. GERHARDUM (e), JUSTUM FEURBORNIIUM (a), JO. MEISNERUM (b), JOH. CONR. DANNHAWERUM (c), JOH. AD. SCHERZERUM (d) & JO. ANDR. QUENSTEDIUM (e). Jam ad rem.

§. X.

Argumenta eorum, qui negant, Christum in triduo mortis verum hominem extitisse, hæc sunt. A-
junt I. Aristotelem, sensu communi adjutum, statuere, hominem mortuum non esse verum hominem sed hominem saltem æquivocè sic dictum (f). Scilicet II. verum hominem illum dici, qui constet ex anima & corpore secum invicem UNITIS, non DISJUNCTIS. Quemadmodum enim III. homo fiat ex conjunctione animæ & corporis, ita illum desinere ex dissolutione animæ & corporis. Addunt ergo IV. si Christus dici debeat verus homo in triduo mortis, illum non esse verè mortuum, & V. eum, qui animatus non sit, verum hominem esse non posse, cum verus homo tanquam species sub genere entis vivi comprehendatur, nec VI. animam & corpus in morte hominem efficere posse, quia ob factam separationem tanquam partes ad constituendum ho-

(z) in harm. Evang. C. cci f. 203 1. 203 2. (a) in sacrar. disquis. Syntagm. I. P. 3. diss. 10. §. 29. Opp. Theol. p. 1420. seqq. & apud Dedekennum in append. nova f. 68. seqq. itemque in den unschuld. Nachricht. 1714. p. 920. (b) in assertionem Theologicâ sanâ & sobriâ de quæstione: *num Christus in triduo mortis verus homo permanferit?* Witteb. 1674. ubi B. MEISNERUS refutatur. (c) in Christosophia p. 48. & Hodosophia p. 628. seqq. Adde Instit. nostras Theol. P. 2. C. 6. §. 2. p. 437. (d) in Colleg. anti-Soc. disp. 66. p. 540. & disp. 144. p. 1163 seqq. (e) in Syst. Theol. P. 3. f. 414. seqq. (f) Vide loca apud D. PETAVIUM de incarnat. L. XII. C. 20. §. 3.

hominem concurrere non possint. Hæ rationes MEISNERIANÆ sunt. Nescio, an majorem speciem habeant hæ LUTKEMANNI. Ait hic, ex eo liquere, Christum in triduo mortis verum non esse hominem, quia I. si anima & corpus Christi nunquam extitissent naturaliter unita, Christus nunquam dictus fuisset homo, II. si in triduo mortis Christi anima & corpus Christi fuissent dimissa ab hypostasi divina, Christus verus homo non erat exiturus, III. Christus ut homo nobis secundum omnia debuit esse similis. Ergo debuit esse homo physicus, ex corpore & anima *unitis* constans. Ergo definitio communis hominis ipsi competere debet. IV. Si Christus fuit sacrificatus, fuit destructus ut homo. V. Si resurrexit, id quod perdidit, resumere debuit, nempe humanitatem suam. VI. Si templum corporis ipsius fuit dissolutum Joh. II. 19. verus homo in morte esse desiit. Hæ sunt XII. rationes negantium (g).

H

§. XI.

(g) Accedit adhuc alia quædam LUTKEMANNI ratio, quæ hæc est, quod *præter animam & corpus aliquid aliud essentialiter requiratur ad constitutionem hominis, & quidem substantiale aliquid, quod moriente homine CORRUMPATUR*, ob cujus entis absentiam Christus tempore mortis non fuerit verus homo, siquidem id præter corpus & animam ad esse hominis requiratur, quod requisitum certum idem numero, resurgente homine ex mortuis, redire negavit idem. Tria sunt hæc corollaria, quæ LUTKEMANNUS A. 1649. dissertationi Rostochii abs se editæ adjecerat. Quæ tanquam heterodoxa ferre non valens JO: COTHMANNUS, Theologus eo tempore Rostochiensis, ad Principes re delata, effecit, ut ab officio suspenderet LUTKEMANNUS, qui postea declaravit, per *seru-* *tium* illud non partem hominis, sed animæ & corporis modum, *unionem* nempe, quam & ab utroque differre realiter & *sub-* *stantiale* quid esse aiebat, abs se intelligi, atque ea de cau-

§. XI.

Sequuntur XII, argumenta affirmantium, Christum in triduo mortis verum hominem permansisse. Causantur hi I. Christum in triduo mortis non desisse esse Christum, quidquid heic somnient SCOTUS & BIEL (b), non desisse esse mediatorem, sponsum & fratrem nostrum, Sacerdotem, Θεάρχοντα, si verò verus homo in triduo mortis esse desisset, si veram humanitatem perdidisset, hæc omnia desitura fuisset. Imò addunt II. unionem personalem haud substitutam fuisse in triduo mortis, si Christus non amplius fuisset verus homo. Uti enim verus Deus hic requiritur, ita & verum hominem requiri. Jam verò constare, unionem personalem in triduo isto illibatam mansisse, uti & communionem naturarum, idiomatum & apotelesmatum. Si itaque Christus in triduo mortis ut homo quoque miracula fecit & virtute vivificatus est, verus utique homo esse debuit. III. Ubi adfunt partes hominis essentielles, sive dein illæ vinculo naturali sive personali unitæ sunt, ibi adest verus homo.

At-

sa dissertationem suam Physico-Theologicam de vero homine Wolferbyti A. 1650. edidit. Hæsitavit verò, num unio in resurrectione eadem numero redeat. *Nondum satis constare*, ait, *qui modi in reproductione iidem numero dici debeant redire, qui distincti?* l.c. p. 42. 43. Concludit tamen, *unionem reduci numero distinctam, quoad unionis actum*, quum oporteat animam & corpus de novo uniri, quoad *unionis formam verò seu relationem partium unitarum adinvicem* unionem reproductam eandem numero vocari petmittit. *Modum totaliter expirantem vix posse redire nisi eundem specie* ait. Sed rectè quidem has *λεγαλογίας* exhibilar rejicitque ABR. CALOVIVS in Syst. loc. Theol. T. 3. p. 1074. 1075. Non decebat, quæstiones ejusmodi ineptas in lucem proferre. (b) Vide B. MEISNERI Quæst. vix. II. p. 47.

Atqui in Christo mortuo adsunt partes essentielles, anima & corpus. Ergò. IV. Quod λόγος semel assumsit, nunquam deposuit. Atqui verum assumsit hominem, ἀνθρώπον illum. Ergò nunquàm, ne quidem in morte, verum hominem deposuit. V. Si confitemur in Symbolo, Christum verum hominem esse mortuum & sepultum, utique & in triduo mortis ille verus homo erit. VI. Atqui verò & in ipso codice sanctiore Christus mortuus homo dicitur, utique non fictus, sed verus, Matth. XII. 40. Marc. XV. 39. Luc. XXIII. 47. quæ loca non in ampliacione sed in statu explicanda sunt. VII. Eadem scriptura sanctior Christo mortuo & sepulto tribuit veram animam & verum corpus humanum. Psalm. XVI. 9. 10. Act. II. 38. Matth. XXVII. 58. Luc. XXIII. 52. VIII. Si anima, si corpus Christi in triduo mortis subistere suppositaliter, Christus tùm fuit utique verus homo. Id quod ostendit, ad mortem Ἀλαθράπων non esse exigendam mortem θανάτου & unionem personalem hîc supplere defectum naturalis. IX. Si Christus non fuit verus homo in triduo mortis, ergò, ubi resurrexit, denuò incarnatus est. Ergò bis verus homo factus est. Ergò bis incarnatus est, quod absolum. X. Si sanguis verè humanus è latere Christi mortui fluxit, idemque expiatorius & satisfactorius & θιασρωπικός, Deo personaliter unitus (1), si

H 2

&

(1) Certè enim sanguis ille omnis, quem effudit Christus in circumcissione, passione & post mortem, divinitati semper unitus mansit, nec computruit, nec reliquæ ejus in terris amplius existunt, sed in resurrectione reassumptus iste fuit, id quod contra plurimos Pontificios & Reformatos itemque ANDR. OSIANDRUM notant JO. SCHROEDERUS in sceptro regali Christi p. 554. TH. THUMMIUS in continuatione dissert. de Majestate Christi, prout in duplici statu elucescit,

& mors & sepultura Christi tanquam veri Dei & veri hominis in una hypostasi subsistentis satisfaciunt & expiant, si corpus Christi in triduo mortis nihilominus ipsius Dei corpus extitit vivificamque virtutem sibi communicatam habuit, corpusque ut veri Dei, sic veri hominis extitit, Christus utique in triduo mortis verus homo fuit. XI. Si Christus non fuit verus homo in triduo mortis, dicendum erit, non duas sed tres naturas tunc in una *ὑποστάσει* persona substituisse, divinam, naturam animæ, naturam corporis. Anima enim & corpus tunc unam naturam humanam non confecere, si Christus verus homo non fuit. XII. Si anima Christi in sepulchro quoque

p. 146. JO. GERHARDUS in error. præcip. Pontif. Calvin. & Photin. labefact. p. 789. 1426. 1428. Theologi Hassiaci in der gründlichen Ausführung vvider die Casselische Wechsel. Schriften f. 799. JO. CONR. DANNHAUERUS in *ἰδοσεφία* p. 1202. 1203. & *μυστηριοσεφία* p. 455. J. G. DORSCHÉUS in Anti-Cornæo p. 321. sqq. JO. MEISNERUS in examine Catechismi Palatini p. 595. sqq. ABR. CALOV. in Syst. Loc. Th. T. 7. p. 678. sqq. & in disp. de fluxu sanguinis & aquæ Christi-laterali §. 4. JO. CASPAR LÖESCHERUS in disp. Th. de incorruptibili sanguine Jesu Christi Wittenbergæ A. 1691. habitâ & infiniti alii Adde RICH. MONTACUTII origines Eccles. T. I. P. 2. f. 250. JAC. BOILEAU disp. Theol. de sanguine Christi post resurrectionem C. XV. p. 141. seqq. & institutiones nostras Theol. P. 2. C. 6. §. 2. p. 432. seqq. Quæ ipsa dum ponimus, & illum errorem simul *ὡς ἐν παρρησίᾳ* orthodoxæ nostræ obelo perstringimus, quo statuitur, Christum post resurrectionem sanguinem non amplius habere, uti putavit olim Augustinus, cujus sententiam avide ii arripiunt, qui præsentiam realem sanguinis Christi in S. Cœna negant. Qui enim sanguis Christi in S. Cœna adesset, si Christus sanguinem amplius non haberet? Ursit hoc argumentum contra Pontificios vel maximè PETRUS ALLIX in diss. de sanguine Christi Lutetia Parisiorum A. 1680. editâ, cui

que immediatè & ἀδιατάτως præsens fuit corpori, præs-
sentia ex unione personali resultante, unde & caro Chri-
sti in sepulchro nullam corruptionem vidit A&T. II. 31.
Pl. XVI. 10. nec cadaver nuncupari potest, quid vetat,
quo minùs dicamus, Christum mortuum & sepulchrum ve-
rum quoque hominem extitisse? Plura ex pharetrâ scho-
lasticâ depromere pro hâc sententiâ argumenta posse-
mus, si quidem præfixum numerum migrare nobis jam
volupe esset (k). Sed sufficiant hæc, maximè, cùm &
inter hæc jam sint, quæ paululùm claudicent.

§. XII.

Jam verò mirum cuiquam videri possit, Viros subti-
lissimos & queis nec judicii acies, nec eruditionis copia
defuit, tanto conatu heic inter se digladiatos esse, ubi
tota res ad λογομαχίαν tandem devolvitur. Non verò
nos ii sumus, queis primùm hæc in mentem labatur co-

H 3

gitatio,

anno insequente disquisitionem Theologicam de sanguine
corporis Christi post resurrectionem ad epistolam 146. Augu-
stini opposuit ibidem JAC. BOILEAU, Theologus Sorbonicus,
respondente iterum sed brevissimè ALLIXIO in exhortatione
Anagogicis contemplationibus Anastasii Sinaïtæ Londini
A. 1682. præmissa f. V. VI. Adde JOH. FECHTII Syll.
Disp. 25: th. 8. nostramque dissertationem Anti-Rogerianam
nota (fff) p. 50. 51. Id unum adhuc adjicimus, tenuisse
quoque Augustini sententiam PETRUM MANSUR in capite
de immaculato corpore, cujus participes sumus. Libellus per-
petam tribuit JO. DAMASCENO. Vide editionem LE-
QUIENIANAM T. I. f. 652. 658. & dissert. nostram Anti-
Tourtænanam p. 19.

(k) Vide omninò JO. AD. OSIANDRUM in Collegio Theol.
Systematico P. 4. p. 192. 193. ubi plura adhuc argumenta in
hanc rem ponit & contra BÉZAM probat, corpus Christi
mortuum haud dici debere cadaver. Imò & plura argumen-
ta allegat A. VARENIUS in Brev. Theol. p. 51. seqq.

gitatio, nec fingimus *λογομαχίας*, ubi non dantur. Viderunt hic aliquid jam Doctores Scholastici, sed nescio, num feliciter satis *λογομαχίας* extricaverint. Ita ALEXANDER DE ALES distinxit inter hominem *materiāliter & formaliter* talem, existimans, prius utique de Christo in triduo mortis dici posse, posterius non item (l). BONAVENTURA, Doctor Seraphicus Christum in triduo mortis verum hominem esse affirmavit secundum esse *aptitudinale*, non secundum esse *actuale*. Sed fumi hi sunt, quos Scholastici hi homines vendunt, quos & dudum difflavie ex nostris BALTH. MEISNERUS (m). Nec hitum quoque profeceris hic, si cum eodem MEISNERO & LUTKEMANNO distinxeris inter hominem *univocè & equivocè talem*, ajendo, Christum mortuum *æquivocum* saltem hominem esse. Etsi enim nolim dicere, quod faciunt dissidentes, *θεάνθρωπον* in classe prædicamentorum non esse adeoque hic in controversiam haud venire posse, quid de eo univocè prædicetur nec ne, cum ad prædicatum, quod est homo, res hic devolvatur & humana Christi natura utique in classe prædicamentorum sit, facile quisque capit, *τὸ univocum* hic æquipollere *τῷ vero*. Ita nolim & cum BUCANO distinguere hic inter hominem *naturalem & formalem*. Melius ergo rem capiunt eamque acu tangunt, qui cum JO. MEISNERO distinguunt inter hominem *physicum & hyperphysicum*, optimè, qui cum DANNHAWERO ajunt, Christum in triduo mortis fuisse verum hominem secundum *æstimium divinum*, non *humanum*, vel potius, qui cum SCHERZERO ajunt, illum fuisse tùm verum hominem ex vinculo *personalis*, non *naturalis* (n). Quæ ipsa jam sa-

tis

(l) Ita & existimat FABRICIUS in paradoxis Theologicis p. 469.

(m) Quæst. vex. II. p. 27. sqq. p. 32. 33. (n) in Syst. Th. p. 241.

tis λογομαχίας manifestant. Néc sanè deest nobis auctoritas, quâ λογομαχίας hanc adstruamus. Cerrè λογομαχίας hanc agnovit Theologorum Tubingenſium ſubtiliſſimorum triga, GABRIEL BIEL, qui primus in Univerſitate hæc Theologiam docuit, MELCHIOR NICOLAI & CHRISTOPH. WOELFLINUS. Et GABRIEL quidem expreſſè ait, quæſtionem hanc eſſe magis de termino, quàm de re ipſâ, quia omnes concedant, tùm, quòd anima Chriſti à corpore fuerit ſeparata in morte, tùm, quòd nec corpus nec anima fuerint à verbo ſeparata, tantùm controverti, an ſuppoſitum verbi ſubſiſtens in carne & animâ à ſe mutuò ſeparatis & Verbo unitis debeat nominari homo (o)? MELCHIORIS NICOLAI ſententiam hæc exprimit CHRIST. WOELFLINUS: *Superest dubium, an Chriſtus in triduo mortis fuerit homo? Quæſtionem hanc vexatiſſimam magnus Theologus Dn. D. Melchior Nicolai retulit ad quæſtiones & λογομαχίας, ex quibus oriuntur & διατριβὰι 1. Tim. 6, 5. (p). Audit dein WOELFLINUS, ſerminum hominis aut opponi mortis Chriſti aut ejus ἐνορχώσας & incarnations, priori ſenſu negandam eſſe quæſtionem, qui enim non ſit vivum quid, cum non poſſe eſſe hominem, poſteriori autem ſenſu negandam non eſſe, cùm toto naturali per mortem ſoluto intra unionem nihilominus perſonalem permaſerint partes. Adducit porro & ſententiam HENR. NICOLAI, qui diſtinguat inter hominem ordinarium & extraordinarium & ſingularem, inter hominem per nexum naturalem animæ & corporis & per nexum eorum perſonalem. In quibus ſepoſitis, quæ hæc tennus de hæc quæſtione operoſè agitata fuerint, & ipſe AD-QUIESCIT. Denique & illam controverſiam, quâ quæritur, liceatne Chriſti corpus mortuum cadaver appellare, in*

λο-

(o) vide ejus comment. in Lombardum L. III. diſt. 22. (p) Ita ſerè & GERHARDUS in Harm. Evang. C. ccii. f. 2032. a.

λογομαχία consistere observat his verbis: *Generaliter vocem pro mortuo corpore, sensu & ratione destituta, sumendo usurpare liceat, ut Germanico leichnam, non aas respondeat. Specialiter, ut corpus vitiosum ex invasione morbi ac putredinis ac subjectione vanitatis corruptum, putrescendum, aut quod omnino putrescere debeat, notat, non.* Haec tamen judiciosissimus WOELFLINUS (q). Quin & eandem hanc litem pro λογομαχία declarat biga Theologorum Rostochiensium præstantissima AUGUSTUS VARENIUS (r) & J. C. FECHTIUS (s). Hinc &, quid de momento & pondere totius hujus quaestionis jam sentiendum sit, patet. En, quid BALTHASAR MEISNERUS sentiat: *Oblectans & fatigans sese nonnulli hoc problemate, quasi multum in illo momenti sit positum, quum tamen non tam ad adificandum, quam ad exagitantium faciat, nec ex limpida Scriptura fontibus sed ex turbidis Scholasticorum lacunis hauriatur* (t). Aliam tamen mentem hic tenet JOACH. LUTKEMANNUS, Theologus non ob eruditionem saltem subtilitatemque ingenii, sed & pietatis studium clarus, qui ita: *Materiam hanc modo pertractatam otiosam esse, sterilem & homine erudito indignam, non possum adduci, ut credam. Sapè, quod uni otiosum, alteri utile apparet. Noli frater, fratrem judicare. Quid, si dubium hæc de materiâ tibi occurreret aut alius objiceret? si tuam sententiam quis rogaret? Quid faceres hospes in hac controversiâ? Diceret, hæc esse rejicienda? Non satis prudenter. Quaestiones ineptas, quarum nulla dari potest explicatio,*

(q) in exercit. de triduo mortis Christi p. 16. (r) in Brev. Theol. p. 51. (s) in Syll. select. contr. disp. 25. th. 11. (t) Quæst. vex. II. p. 20. Ita sanè & judicat Facultas Theologica Argentinensis in responso ad Feurbornium super hæc quaestione. Vide unschuld. Nachricht. A. 1714. p. 944. Verba sunt: *quaestionem hanc curiosam scandalum multum, utilitatis parum habere.*

*casio, nulla probatio, rejicit vir doctus. At nostra non caret, ut vidimus, fundamentis solidis & perspicuis. In rem presentem te, vis, ducam? Sit, qui ita ratiocinetur: Quicumque non est verè mortuus, ille non est verus Salvator. Christus non est verè mortuus. Ergo Christus non est verus Salvator. Minor probatur; Quicumque non desinit esse homo, non est verè mortuus. Christus non desinit esse homo, quia in hypothesi suâ retinuit corpus & animam unita. E. Christus non est verè mortuus. Posset, qui ita argumentaretur, in favorem Nestorii addere, conducibilis esse, duas ponere subsistentias in Christo, ut ita minor in posteriori syllogismo fieret falsa. Denuo dico, quid faceres hospes in hâc materiâ, maximè, si quis decretoria tecum pugna certares? Ostendit dein & idem LUTKEMANNUS usum hujus controversiæ didacticum, consolatorium & hortatorium (u). Nos existimamus, capropter saltem operam huic quæstioni dandam, ut appareat, eam tandem in pyram *λογομαχίαν* abire. Sed in quam, quæso, prolixitatem præter opinionem nostram hîc abivimus? E diverticulo, si placet, in viam regrediamur,*

§. XIII.

Recensitis itaque eorum hallucinationibus, qui vel in totum vel in tantum perpetuitatem incarnationis Christi inficiati sunt, superest, ut paucissimis argumenta, quæ contra hanc perpetuitatem militare tantisper videntur, solvamus. At verò in dictis jam multa anticipavimus & occupavimus, Pertinet huc primò, quod de derelictione Christi in cruce diximus. Nota verò heic, si placet, lector, non derelictam esse humanitatem à divinitate quoad unionem personalem, nec quoad amorem, quo Pater filium est complexus, nec quoad sancti-

(u) de vero homine p.120. seqq.

tatem, qua hic floruit semper, nec quoad auxilium, nam Deus illi semper fuit à dextris, sed quoad influxum & sensum solatii & gaudii divini, qui ipsi in profundissima hâc exinanitione fuit ad tempus subtractus, propter nos, ut iram divinam, quam nos sustinere debebamus, plenissimè ferret, licet de cætero eadem divinitas virtutem roburque humanitati suppeditaverit, ut exinanitionem hanc posset ferre & vincere. Sic derelictio hæc non infert humanæ naturæ à divinâ separationem, nec sublationem totalem aut recessum interni principii & objecti omnis gaudii, æternæ scilicet Deitatis, cum qua humanitas ~~influxus~~ semper fuit unita, sed tantum desertionem & influxum hujus gaudii, idque ad parvum tempus. Non ergo fuit desertio absoluta, totalis, æterna, sed temporalis, partialis & secundum quid. Id quod & Patres veteres passim egregiè insinuant (x). Nec sanè dicendum, Christum in cruce desperasse, quod blasphemiam olet. Certè incautè hic quidam locuti dicuntur & ex Romanensibus, & ex Reformatis, qui verò hanc phrasin abominantur (y). Sed, ais vix capi posse, quæ, stante unione personali, ista desertio Christo contingere potuerit. Respondeo, quid ergò factum, ubi Christus mortuus est? Reponis, & hanc novam esse causam, cur dicendum sit, unionem personalem aliquando solutem fuisse. At verò mori potuit Christus & pati, etsi à divinitate caro non esset separata. Quod eò clarius ex eo patet, quòd divinitas non vivificat *formaliter*, ut anima, quæ tanquam forma corpus informat, sed *effectivè* tan-

(x) Vide FRANC. TURRETTINUM de satisfactione Christi disp. VII. maximè p. 177. seqq. Adde I. G. DORSCHHEIM in Theol. Zachar. P. 1. p. 171. seqq. & JOH. GERHARDUM in Harm. Evang. C. cci. f. 2012. seqq. (y) Confer eundem TURRETTINUM. l. c. p. 184. 182. 283. 284.

tantum, non ex necessitate naturæ, sed ex liberâ voluntate, unde divinitas humanitati juncta esse potuit quoad *vinculum personalitatis* (?), cū eam deseruerit quoad *influxum vitalitatis & suavitatis*. Fuit itaque Christus derelictus *dispensativè* & ad tempus ut Sponsus, sed semper *naturaliter* ut Filius (*). Jam enim non verus homo, sed Deus, sed *Θεὸς ὁ πᾶσι* passus est, divinam naturam passionem & mortem sibi per *ἰδιόπλησιν* appropriante. Act. III. 15. XX. 28. 1. Cor. II. 8. 1. Pet. IV. 1. Quod restat, non opus est, ut contortas illas explanationes loci Matth. XXVII. 46, quas passim interpretes recensent, in rem nostram hęc vertamus, eo fine, ut ed facilius objectioni datæ obviemus. Unde & novissimam illam Fanaticorum quorundam OLIGERI PAULI, CAROLI CAAZII & HENR. BERNHARDI CUSTERI, qui verba: *Θεὸς μὲν, Θεὸς μὲν, ἵνα ἡ μὲν ἐγκρατέλης*, non ita verterunt, Mein Gott, Mein Gott, warum hast du mich verlassen? sed ita: Mein Gott, Mein Gott, wie sehr hast du mich verherrlicht? explanationem facillè missam hęc facimus (a).

I 2

§. XIV.

(*) Confer hic omnino IGNATII HYACINTHI AMAT DE GRAVESON tractatum de mysteriis & annis Christi Romæ A. 1711. editum diss. 21. de sepultura Christi ejusque descensu ad inferos, ubi inter alia & hoc Thomæ duce defendit, divinam naturam nec ab anima nec à corpore nec à sanguine Christi fuisse in triduo mortis separatam, quod memorant Acta erud. Lips. A. 1713. p. 538. (*) Hęc egregiè idem TURRETINUS l. c. p. 179. 183.

(a) Rationem novæ hujus explanationis hanc illi dant. Ajunt, Christum non græcè ista prolocutam verba esse, sed in dialecto Judæis tunc communi, Syriacè illà, *ἵνα ἡ μὲν ἐγκρατέλης*, Marc. XV. 34. id quod & ex Matth. XXVII. 46. patet, ubi: *Ἡλὶ Ἡλὶ, λαμὰ ἐν βαλχάνι*. Jam vocem *ἵνα*

§. XIV.

Ubi supra (b) perpetuitatem incarnationis & hū-
manæ Christi naturæ ex perpetuitate regni Christi *Θεω-*
Σωπης probavimus, causari quis posset, regnum illud
æternum non fore. Habetur hanc in rem difficilis, uti
arbitror, locus 1. Cor. XV. 24. seqq. Dicitur quippe hic,
Christum traditurum esse regnum Deo & Patri, ubi destru-
xerit principatum omnem & omnes hoīes suos subjugave-
rit. Quod ubi factum fuerit, ubi omnia sibi subiecta u ha-
buerit, tunc Filium ipsum subiectum iri illi, qui ipsi omnia
subjecerit, ut ita Deus sit omnia in omnibus. Mirum est,
quantopere Patres in solvendo hoc nodo se torserint.
DION. PETAVIUS, ubi JO. CRELLIUM, hominem So-
cinianum, ex hoc loco contra divinitatem Christi & per-
petuitatem regni ipsius arguentem, insurgit, ea Patrum
loca conglomerat, quæ statuunt, in Christi personam
hic transferri, quæ sint ipsius corporis, electorum nem-
pe.

& Syriacè significare *glorificare*. Nec sane hic recurrendum esse
potius ad verbum *ܡܠܟܐ*, quod est *deservit*, non enim haberi
in Græco *αὐθαινάσι* sed *αὐθαινάσι*. Sed misera hæc sunt. Jam
enim ὅτι *p* subinde per *χ* exprimi, nihil est, quod impediat, cum
Hebræa tam accuratè à Galilæis & Græcis haud exprimentur.
Hic centè res ita se habet. Etenim nova ista interpretatio &
rei substratæ atque contextui & ipsi interpretationi E-
vangelistæ divinitus inspirati & Psalm XXII. 2. unde de-
sumta verba sunt, prorsus non congruit. Conf. D. JO. GUIL.
PETERSENII *Schriftmässige Erforschung des Wortes* *ܡܠܟܐ*
oder *αὐθαινάσι*, 1701. 4. & GILB. LEIDINGII tractatum
Germanicum: *Daß die Worte Christi* *ἡ αὐτὴ ἡ ἀνά-*
στασις μου *von dem heiligen Geiste selbst durch* *Θεὸς μου, Θεὸς μου,*
ὡς ἡ ἀνάστασις μου, und dem zu folge von der ganzen Chri-
stenheit durch *Mein Gott, Mein Gott, warum hast du mich*
verlassen, recht übersetzt, wider Oligier Paulli bewiesen.
Hamburg. 1704. 8. (b) C. II. §. 1. p. 30.

pe. Quando igitur hoc corpus fuerit completum & omnes electi in unum fusi, tunc traditionem illam Christi factum, tunc Christum in electis suis subiectum tri Patri, ut hic sit omnia in omnibus. Nolumus loca ista huc transferre, quæ apud PETAVIUM legi possunt (c). Id unum capere haud possumus, quæ vir doctus affirmare sustineat, nihil hæc explicatione præstantius, nihil ad Photinianorum reprimendam temeritatem validius afferri posse, cum contraria hæc sint & difficilia (d). Certè vident hæc homines acuti, quæ solidiora opponenda sunt, ne in sinu suo gaudeant & de victoriâ reportatâ sibi gratulentur. Unde meliora sunt, quæ PETAVIUS ipse ex proprio fundo depromit. Ubi enim CRELLIUS dixerat, Christum, qui regnum Patri sit traditurus, depositurum illud, quemadmodum Dux à Rege aliquo cum exercitu & imperio missus, partâ victoriâ, confectoque bello, potestate & imperio se abdicans id restituat Principi, addens, ex hoc ipso patere, Filium, quod ipsemet quoque Patri sit subiectendus, non esse Deum, quia Deus summus nemini possit subjici, ita insit PETAVIUS: *Atqui nihil in tam futile argumentatione cunctandum est*

(c) de Trinit. L. III. C. 5. §. 2. Adde & de incarn. L. II. C. 8. §. 7. Præcipuus, qui inter Patres Paulinum hoc effectum ita interpretatur, est GREGORIUS NYSSENUS, cujus peculiaris in hunc locum prostat oratio, quâ & omnis mali destructionem per hanc subjectionem denotari asseverat eandemque *τὸν πατέρα ἀναλαμβάνει* innuere videtur, quam olim statuit Origenes nostroque ævâ in scenam reduxit Vir celeberrimus, JO. GUIL. PETERSENIUS. Et verò ita non tantum in illâ oratione locum istum Paulinum Gregorius iste explicat, sed & alibi. Confer opera ipsius T. 2. f. 6. seqq. edit. Paris. 1638.

(d) Confer tamen & F. TURRETTINUM in Instit. Theol. Elenctica L. 14. Qu. 17. §. 10. seqq. p. 337.

Catholico. Nam prior hoc sumit, quod neque nos concedimus & verò dictū est nefarium. Quis illum docuit, aut qua ratio persuasit, sic habendum esse Christum, uti est à Rige creatus quispiam & ad certum tempus constitutus imperator? Certè hoc sacrilegum commentum Gabriel Angelus exclusit, cum beatam Virginem adiens sic eam affatus est: Et dabit illi Dominus sedem David Patris ejus & regnabit in domo Jacob in æternum & regni ejus non erit finis (e). Hoc autem regnum idem est cum eo, de quo Paulus loquitur, estque totius Ecclesia regnum: cui post victoriam de hostibus triumphanti, uti nunc decertanti, perpetuò Christus præcrist. Hic igitur, quā homo, sed ut idem interim cogiteretur Deus, paulatim sibi subjicit omnia, quod necdum esse factum alibi (f) testatur Apostolus. Id cum factum erit, evolutis mortalibus vita curricula, tūc demum collectum ex electis omnibus regnum ac nullā sui parte defectum sistet Patri Deo Christus & offeret: non ut velus in ordinem coactus regnare desinat, sed ut communiter cum eo imperet jam integra & perfecta multitudini sanctorum. Regnat itaque Dominus, ait Hilarius in Psalmum CXLIX. non regni potestate cariturus, sed nos, qui regnum ejus sumus, Deo Patri traditurus in regnum. Regni traditio nostra provectio est, ut, qui in regno Filii erimus, in regno quoque simus & Patris. Vide Cyrillum Al. libro XI. in Joannem C. VIII. (g). Idem PETAVIUS dein (h) & hoc observat ex AMBROSIO, quemadmodum hoc loco dicitur de Patre, cum fore omnia in omnibus, ita idem & pronunciari alibi (i) de Filio. Jam verò & luculenter in explicatione loci hujus tam difficilis ex Patribus versatus fuit CYRILLUS HIEROSOLYMITANUS, qui in Catechesi

(e) Luc. I. 33. (f) Hebr. II. 8. (g) Hæc PETAVIUS de Trin. I. III. C. 5. §. 1. (h) §. 2. (i) Col. III. 11.

techesi XV. ubi verba ista ε τῆς βασιλείας οὐκ ἔσται ἵλα- explicat, de regno Christi perpetuo datâ operâ agit (k). Præcipue ipsius responsiones sunt, constare primò ex tot sacræ scripturæ locis, quæ & allegat, regnum Christi fore æternum, itaque sensum Pauli hunc esse non posse, quòd Christus regnum ita depositurus sit ut non amplius regnaturus, secundò subjectionem illam Christi non ita intelligendam esse, ac si Filius tùm demùm Patri sit pariturus, sed esse saltem continuationem subjectionis ejusque liberrimæ & voluntariæ, denique illud *donec posuerit inimicos suos sub pedes suos*, illud, inquam, *donec* non semper indigitare finem, uti pateat ex Rom. V. 14. 2. Cor. III. 14. X 14. 15. Hebr. III. 13. (l) Pathetica autem maximè illa CYRILLI adversus Marcellianos vox est: *Jam ergò, O omnium maximè impii, vos Christi opificia aeternum manebitis, Christus verò, per quem & vos & omnia facta sunt, interibit funditus? Blasphema vox sanè. Quomodo autem subjicientur ipsi omnia? interuentia ne an manentia? Ergòne cetera, quæ Filio subjicientur, manebunt, Filius verò Patri subiectus non manebit?* Hæc CYRILLUS (m). Ast nec hæc hætenùs solvunt nodum. Conscripsit egregiam de loco, cui explicando hîc incumbimus, dissertationem B. Parens noster, cùm in Universitate hæc Tubingensi A. MDCCV. pro loco disputaret. *de fine Oeconomia Christi*, quam sub ejus præsidio tùm defendimus, quam & ille dein contra objectiones celeberrimi Viri, JO. GUILL. PETERSENI (n) defensam & auctiorem A MDCCXIII luci reddidit. Heic verò idem explicationem orthodoxam in hunc brevitatis nervum contrahit (o): *Christus regnum non vindicabit sibi*

(k) §. XXVII. lqq. (l) Alios Patres, qui explicant illud *donec*, allegat PETAVIUS de incarn. L 12. C. 18. §. 8. (m) §. XXX. (n) Vide die wiederbringung aller Dinge T. 3. f. 177. lqq. (o) p. 3. 4.

bi soli, ut Nabucadnezar Dan. IV. 26. nec cedit ἡτοιμασθῆς, ex-
 Rex enim non fiet Mich. IV. 7. nec tantum Deo acceptum
 feret, ut Eñius s. b. l. vult s. m. 331. b. nec in Patrem trans-
 feret, quasi post Pater per sceptrum verbi medios inter hostes
 regnatus esset, eris enim Pater omnia in omnibus immédia-
 te vers. XXVIII. sed tradet tantum ὡς προφῆτης seu cum cessatio-
 ne dispensationis organica, i. e. administrabis regnum non
 amplius per verbum & sacramenta, nedum medios inter ho-
 stes. Addit dein verba JO. GEORG. DORSCHER, qui
 ait, traditionem hanc non esse actum depositionis sed propo-
 sitionis, ubi Filius Deo Patri regnum sit traditurus ad iustri-
 tionem quasi & gloriam, sicut belli Dux, destructis hostibus,
 è pugna rediens exercitum victoriosum Regi praesentet, nec
 tamen deponat potestatem, quam in exercitum habuerit,
 Digna sunt verba DORSCHERANA, quæ in fontibus le-
 gantur (p). Unum hoc addimus: Tradidit Pater Chri-
 sto iudicii extremi administrandi potestatem, quæ regit
 officii Christo collati magna pars est, Dan. VII. 13. seqq.
 Matth. XXIV. 30. seqq. XXV. 31. seqq. XXVI. 64. Luc.
 XXI. 27. Joh. V. 22 27. Act. X. 42, XVII. 31. Rom. II. 16.
 2. Cor. V. 10. 1. Thess. IV. 16. Apoc. I. 7. Finito verò
 hoc iudicio personam hanc æconomicam deponet Filius
 Patrique sine isto charactere æconomico erit subiectus
 simpliciter ut Mediator & homo regnumque tradet, ita
 tamen, ut ipse simul regnare tanquam Deus, imò θεοῦ πα-
 τρός, id quod communicatio idiomatum requirit, cum Pa-
 tre pergat. Est enim Deus Patri æqualis & coessentialis,
 qui, Patre regnante, non potest non & ipse regnare, vi
 communis essentiae, maiestatis & dignitatis. Regnare
 enim sic debet, ne & Pater non regnet. Cæterum ex
 hoc

(p) in Theol. Zachar. P. 2. disp. 7. §. 7. p. 256. 257. Adde DANN-
 HAWERI Hodol. Phæn. 8. p. 780. 781.

hoc ipso, quod Filius, ut homo, subjectus erit Patri, arguit AUGUSTINUS, humanam ipsius naturam olim non desituram (g). Quod ipsum argumentum fortissimè MARCELLUM ferit, cui favent prorsus, quæ in hunc locum commentatus est GREGORIUS NAZIANZENUS, cujus verba infra (r) damus.

§. XV.

Restat ultima, quæ hîc nobis obverti posset, obiectio, inde petita, quod ex perpetuitate sacerdotii, quod Christus gerit, supra (s) perpetuitatem humanæ ipsius naturæ quoque arguerimus. Scilicet causari quis posset, sacerdotium Christi non eapropter vocari æternum, quod ipsum in se æternum sit, sed saltem eapropter, quod Christus in hoc sacerdotio successorem non habeat, qualis æternitas & Sacerdotio Melchisedeciano adscribatur Hebr. VII. 3. & quod fructus Sacerdotii divini sit æternus. Jam enim, cum sacerdotium in duabus consistat partibus, *sacrificio & intercessione*, facile patere, quod Sacerdotium Christi in die saltem novissimo sit finiendum, Sacrificium quippe esse consummatum in cruce Rom. VI. 10. Hebr. VII. 27. IX. 12. 26. 28. 1. Pet. III. 18, intercessionem verò finitum iri in novissimo die, uti ajant præstantissimi ex nostris Theologi, JUSTUS FEUR-

K

BOR-

(g) de Trinitate C. 8. (r) Ita autem ille orat. 36. in apologetico f. 381, ἵνα δὲ ὁ Θεὸς τὰ πάντα ἐν πατρὶ ἐν τῷ καιρῷ ᾧ ἡ ἀποκατάστασις, καὶ ὁ πατὴρ, πάντως ἐν αὐτῷ ἀναλυθῇ. ἵνα ᾧ, ὅσπερ ἐν νεφελῇ μετὰ λαμπρότητος, περὶ καιροῦ ἀποκαταστάσεως, ἐν τῇ συνάφῃ τῶν. Erit autem Deus omnia in omnibus in tempore restitutionis, non Pater, resolutio videlicet penitus in ipsum Filio, non secus, ac si fax aliqua ad tempus ab ingenti rogo abstracta ei rursus coniungatur. Hæc GREGORIUS, quæ ipsissimam MARCELLI sententiam expriment (s) C. II. §. 1. p. 30. 31.

BORNIUS (β), JO. CONR. DANNHAWERUS (ι), JO. FRID. KÖNIGIUS (μ), JO. ADAMUS SCHERZERUS (x) & JO. ADAMUS OSIANDER (γ). Nec dici posse, sacrificium Christi demum in cœlis perfectum iri, utpote quod maximè consistat in *ἱμψανισμό* Ipsius pro nobis, ubi Christus Deo Patri corpus suum & membra & cicatrices (z) sit ostensurus & eoram Ipso se præsentaturus regnumque gloriæ administraturus, hoc enim commentum Socinianorum esse, qui hic à nostris plurimum vapulent (α), nec hoc quoque regeri posse, intercessurum utique esse Christum pro nobis in æternum, intercessione verò non expressâ sed interpretativâ. Etsi enim & ex nostris Theologis plurimi sint, qui intercessionem non expressam sed saltem interpretativam Christo in cœlis tribuant, ÆGIDIUS HUNNIUS, FRID. BALDUINUS, CASP. ERASMUS BROCHMANDUS, JO. MUSÆUS & FRIDEM. BECHMANNUS (b), tamen hanc

- (β) in fasc. VI. contrav. Theol. disp. 9. §. 25. seqq. & in Syntagm. 1. disquis. Sac. P. 3. diss. 3. §. 47. 48. Opp. Theol. p. 719. seqq. 1316.
 (ι) in Hodosoph. phæn. VIII. p. 725. 726. (μ) in Theol. posit. P. 3. §. 239. (x) in System. Theol. Loco 8. de Christo §. 23. p. 217. & in breviculo Theol. §. 53. p. 68. seqq. ubi & LUTHERI & GERHARDI assert loca, quæ intercessionem Christi post contuminationem sæculi cessaturam esse ajunt.
 (γ) in Collegio Scherzeriano MS. Dec. V. quæst. 6. & in disp. Theol. de intercessione Christi & Spiritûs S. qu. 3. p. 11. seqq. ubi ABR. CALOVIVM prolixè refutat. (z) Ita enim maxima Theologorum nostrorum pars statuit. Vide QUENSTEDII Syst. Theol. P. IV. C. 19. S. 2. Qu. 4. f. 612. seqq. (α) Vide eundem QUENSTEDIUM l. c. P. III. f. 285. seqq. Autoresque ab eodem allegatos. (b) Vide der Jenischen Theologen aufstehliche Erklärung über 93. vermeinte Religions-Fragen p. 535. seqq. ubi iidem intercessionem interpretativam vocant *realem*, intercessionem verò expressam *verbalem*. JO. GERHARDUS,

hanc sententiam aliàs à nostris in Socinianis, Romanensibus, Reformatis & quibusdam Patribus rejici, cum intercessio interpretativa sit impropria, æquivoca & nulla (c). Neque denique dici posse, intercessionem illam pro nobis, quæ Christo post diem novissimum adscribatur, non amplius tum fore *formalem*, ut antea, sed *effectivam*, ita ut preces ipse & laudes divinas in iis excitaturus sit, qualiter de intercessione Spiritus S. aliàs maxima pars Theologorum (d) sentiat. Hanc enim inter-

K 2

cessio-

JO. GUIL. BAIERUS & JO. FECHTIUS *impugn.* Vide RAJERI comp. Theol. pos. P. 3. C. 2. sect. 3. §. 13. nota (d) pag. 627. 628. & FECHTII Syllogen contrav. sci. disp. 24. n. 8.

(c) Conf. FEURBURNIUM l.c. disp. 6. p. 654. seqq. Calov. in Syst. Theol. T. 7. P. 539. seqq. QUENSTED. in syst. Theol. P. 3. f. 329. seqq. autoresque ab ipso citatos, & vel maximè OSIANDRUM in citatâ disp. Qu. 2. p. 7. seqq. (d) Catalogum eorundem dat ABR. CALOVIVS in Syst. Theol. T. VII. p. 580. seqq. ubi, postquam adduxisset suffragia Patrum, Romanensium, Reformatorum, nostrorum quoque Theologorum calculum subjungit, Lutheri, Melancthonis, Æ. Hunnii, Mylli, Baldوين, Welleri, Rungii, Selnecceri, Brentii, L. Osiandri, Marth. Flacii, Glaslii, Gerhardi, Tarnovii, licet eorum omnium mentem haud satis cepisse videatur, quæ & adhuc aliquot Reformatos & H. Grotium subjungit, atque & Feurburnium & Dannhauerum addit, de quibus mox. Certè & Calovii sententiam hic tenet QUENSTEDIUS in Syst. Theol. P. III. f. 259. seqq. Ast formalem Spiritus S. intercessionem inter nostros statuerunt post veteres quosdam, maximè STEPH. GERLACHIUM, J. C. DANNHAUERUS in Hodol. phæn IX. p. 740. seqq. ubi ait: intercessionem Spiritus S. esse I. *ἀναληγ-* *την*, II. *ἐκτελεστικήν*, III. *ἐκκλησιαστικήν*, IV. *ἐκκλησιαστικήν*, ubi denique addit indicem consentientium Patrum & Theologorum nostrorum. Maximè verò spectat huc in disp. cit. J. A.

cessionem effectivam, ut ex termino liqueat, rursus propriam non esse, imò nec capi quoque posse, cur ipsi apud Deum in æternitate interpellent fideles, plenæ beatitudinis compotes. Itaque, cum Christus post novissimum diem non ampliùs sacrificet, non ampliùs intercedat, Ipsum quoque non ampliùs Sacerdotem fore adeòque Sacerdotium Ipsius æternum non esse. Jam verò ad has objectiones omnes multa sunt, quæ responderi possent. Possèt dici I. Socinianum id esse, ubi dicatur, Christum eapropter saltem æternum sacerdotem in sacris literis dici, quòd successorem in sacerdotio non habeat (e), sicut neque hoc esse, cum vox æternitatis utique pressius sumenda veniat totiesque hoc in scripturis divini-

ribus

OSIANDER qu. 5. p. 13. sqq. ubi & ex Romanensibus consentientes allegat Thomam Aquinatem & Cornelium à Lapide, cum aliam viam heic ineant Buzæus, Barradius, Estius, denique & Petavius de Trin. L. II. C. 6. §. 5. qui itidem Patrum dicta dat & primò eorum opinionem refutat, qui Rom. VIII. 26. per *πνεῦμα* non intelligunt Spiritum S. sed spiritum orationis, postea ait, *ὁ ἁγίος πνεῦμα* non esse interpellare sed interpellare nos facere. Cæterum effectivam saltem Spiritûs S. intercessionem statuerunt primùm JO. GERHARDUS in Harm. Evang. C. CLXXVI. f. 1305. & JUSTUS FEURBORNIIUS in fasc. IV. Controv. Theol. disp. 9. §. 42. 43. Opp. Theol. p. 724. qui verò postea sententiam mutant & formalem quoque statuerunt, ille in Schola pietatis P. 3. C. 21. p. 592. hic in Syntagm. I. disquis. Sacr. P. 3. diss. 3. §. 28. seqq. Opp. pag. 1304. sqq. quod egregiè observavit J. H. FEUSTK NGIUS in palinodiâ sacrâ sive in schediastmate de retractationibus Theologorum §. 42. p. 107. sqq. Sed solidior utique est sententia, quæ effectivam cum formali statuit.

(e) Vide FEURBORNII opp. Theol. p. 722. & CALOVII Syft. Theol. T. 7. p. 539. Adde OSIANDRI disp. cit. qu. 3. p. 33. 14.

ribus repetatur. Dicit II. posset, Melchisedecum illum esse ipsum Christum incarnationi præludentem, quam sententiam peculiari libello defensum ivit JAC. GAILLARDUS (f). Sed hanc sententiam nostram non facimus. Nescio autem, num statuendum sit, commata, 1. 2. 3. usque ad vocem μέναι parenthesi includenda, ut ἴδ μέναι ad ἰησοῦν ἀρχιερεῖα Hebr. VI. 20. referri possit, vel num post ἴδ οὖν ante vocem μέναι supplendum sit οὖς, quod utrumque durum est. Malim dicere, quod perpetuum sacerdotium hîc adscribatur Melchisedeco, quia de morte ejus in sacris pandectis nil legitur, nil & de successoribus, uti dicitur ἀπάντων, ἀμήτων, ἀγενεαλόγητον, μήτε ἀρχῆν ἡμερῶν, μήτε ζωῆς ἑλθόντων. Sed transeant hæc. III. posset regeri, non malè concedi, quod sacerdotium Christi eapropter æternum sit, quod fructus ejus sit æternus. En, quid ajat acutissimus noster Antecessor OSIANDER: *Sicuti Christus in æternum manebit Redemptor noster & Victor Diaboli, tametsi post novissimum diem denuò passurus & moriturus non sit &c. quia obedientiam ipsius certo olim tempore præsistam Deus Pater intuetur usque perpetuò efficacissimam, ita idem quoque in æternum est noster Sacerdos, etsi post novissimum diem non ulterius sit oraturus pro nobis (g).* Et hæc sanè responsio nodi ma-

K 3

gnam

(f) Titulus est Melchisedecus Christus, nunc Rex justitiae, Rex pacis. Amstelod 1693. 8.

(g) in disp. cit. q. 3. p. 13. Ita & DORSCHÉUS: Falsum est, illum non posse dici sacerdotem, qui nullum habeat sacrificium, quod offerat. Possit enim esse sacerdos, imò excellentissimo modo Sacerdos ille est, qui tale habet Sacrificium, quod semel oblatum nullam amplius relinquit usquam offerendi causam. Non enim perfectioris est sed imperfectioris in Sacerdote, teneri ad sapienter offerendum, occupari circa sacrificium iterabile. Hæc DOR-

gnam partem solvit. IV. posset responderi, etsi sacrificium corporis Christi dudum perfectum sit & repeti nequeat, esse tamen sacrificium laudis, quod in omnem æternitatem Christus Deo Patri ut Sacerdos sit oblaturus. V. & id posset reponi, non adeò exhibendam esse eorum Theologorum sententiam, qui existimant, Christi pro nobis intercessionem, quemadmodum æterna est à parte ante (h), (ignoscat lector terminò barbaro,) ita & æternam fore à parte post. Id certum est, Christum adhuc in cælis pro nobis interpellare Rom. VIII. 34. 1. Joh. II. 1. Num autem post diem quoque novissimum adhuc sit intercessurus, alia quæstio est. Probat id ABR. CALOVIUS argumentis XVII. in Systemate locorum Theologicorum (i), quæ refellit OSIANDER data opera (k). Provocat autem CALOVIUS primò ad Ebr. VII. 25. Sed rectè monet OSIANDER, *tamdiu saltem Christum, qui semper vivit, intercedere dici, quamdiu salvet accedentes ad Deum*, adeoque, quemadmodum adductio ad salutem non sit perpetua, sed saltem fructus, ita idem de intercessione dicendum esse. Addit CALO-

(h) Ita sanè statuit J. FEURBORNIVS Controv. Th. fasc. IV. disp. 9. §. 2. seqq. Opp. Theol. p. 714. seqq. & J. G. DORSCHÆUS in Pentad. diss. Theol. p. 539. Ratio est in promptu, quia ab æterno Filius Patri ad redimendum genus humanum se obtulit, & meritum ipsius jam valuit, unde dicitur *agnus mactatus ante foundationem mundi* Apoc. XIII. 8. Ita & CALOVIUS in Syst. Theol. T. 7. p. 551. Sed adde J. A. OSIANDRUM in disp. cit. Qu. 3. p. 18. ubi ait, intercessionem Christi antesculatam esse saltem *interpretativam*.

(i) T. VII. p. 534. seqq. (k) in disp. Theol. de intercessione Christi & Spiritus S. respondente tum Viro dignissimo, PHIL. HENR. WEISSENSEE, Abbate nunc Blabyrensi præstantissimo A. MDCCXCV. hic loci defensâ, Qu. 3. p. 14. seqq.

LOVIUS Hebr. IX. 24. 25. aitque Christum ingressum esse in cœlum, ut appareat coram Patre pro nobis, prout Pontifex ingressus fuit in Sanctum Sanctorum, ut oraret pro populo. Sed nec typus antitypo ex toto respondet, nec *perpetua* intercessio hinc sequitur. Tertium argumentum petatum ab æternitate Sacerdotii Christi jam jugulavimus. Quartus medius terminus ex Rom. VIII. 34. desumptus probat quidem intercessionem Christi in cœlis sed non perpetuam. Idem de loco quinto de 1. Joh. II. 1. dictum esto. Sextum argumentum ex perpetuitate officii mediatorii desumptum jam in prioribus solutum est, & sufficere potest perpetuitas regni quoad exercitium. Septima objectio ex Ebr. XIII. 8. petita statim diffluit, si ostendas, restringenda hæc vel ob solam hanc rationem esse, quod statui exinanitionis status exaltationis successit. Octavum argumentum CALOVII hoc est: *Si Christus post diem novissimum neque sacrificat, neque intercedit, non est Sacerdos, cum dua sint saltem sacerdotii partes istæ.* Sed responderetur, & sacerdotium his duobus non absolvi, uti mox dicemus, & exercitium ætiale perpetuum haud requiri ad sacerdotii durationem æternam, uti, quemadmodum jam diximus, Christus Redemptor noster in æternum est, etsi opus Redemptionis in cruce consummatum sit. Dux rationes sequentes ab analogia officii Regii & Prophetici utriusque perpetui desumptæ Sacerdotii quidem perpetuitatem tantisper probant, sed non intercessionis. Locus Apoc. VIII. 3. 4. non agit de Ecclesiâ post diem extremum triumphante, uti ex contextu liquet. Idem de Apoc. V. 8. dictum esto, ut

æternitate orant, ergò & Christus. Argumentum proximum sua sponte cadit; *quicumque jam pro nobis interpellat, ille in perpetuum interpellat.* Nec opus est, ut differentia inter angelos & beatos in æternitate & hæc sit, quòd pro his Christus tùm intercessurus sit, non pro illis. Porro falsum hoc est, quòd nulla ratio possit asserri, cur Christus ab æterno intercesserit & in perpetuum non intercedat. Postremæ rationes ad auctoritatem Patrum & Theologorum (1), perpetuitatem intercessionis statuendum, imò & dissentientium, quæ subinde veritas præter opinionem dicta fuerit, provocant. Quod Patres attinet, conferendus prorsus hic est PETAVIUS (m), qui loca, ut solet, conglomerat, ex quibus patet, diversas ipsos in vias & hic abiisse, esse, qui intercessionem saltem interpretativam, esse, qui expressam statuunt, esse, qui intercessionem in cælis nullam, esse, qui *δευλιν*, quod absolum, esse, qui temporalem, esse, qui perpetuam statuunt. Cæterum omnia suffragia à CALOVIO producta interpellationem quidem sed non perpetuam ubique insinuant, quod rectè monuit OSIANDER (n), cujus & rationes jam audiendæ sunt, quæ conficit, intercessionem Christi post judicium extremum non ampliùs continuatam iri. Ait igitur I. intercessionem Christi spectare ad Ecclesiam colligendam, conservandam & defendendam, Ast negabunt dissentientes, quòd saltem hùc spectet. II. Intercessionem Christi fieri pro peccatoribus 1. Joh. II, 1. 2. qui in altera vitâ non sint, sed regerent ii, in hoc loco saltem de intercessione in hac vitâ agi. III. Beatos

ter

(1) Et certum utique est, maximam Theologorum partem intercessionem perpetuam statuere. Nominavimus eos, qui dissentiunt. Iis, quos CALOVIVS citavit, adde QUENSTEDIUM in Syst. Theol. P. 3. f. 258. 259. (m) de incarn. L. XII. C. 8. (n) disp. cit. qu. 3. p. 19.

in cœlis in bono jam confirmatos esse adeoque nulla intercessione indigere, ut in beatitudine servantur. Sed dicit dissentiens, pro multis orandum esse, quæ tamen aliter se habere non possint & certò eventura sint. Ita oramus, *advenias regnum tuum*. Ita Christus oravit pro sui glorificatione Joh. XVII. 1. seqq. IV. nullam esse rationem intercessionis Christi in beatâ æternitate. Sed ait CALOVIUS (o), Christum 1. oraturum pro perpetuâ conservatione beatorum in statu gloriæ, 2. pro æterna beneficiorum morte suâ partorum applicatione, 3. eo fine, ut à beatis propter istam intercessionem æternum ametur, colatur & celebretur, 4. ut amorem suum beatis sic in æternum testatum faciat, 5. ut beatitudinem nostram eò certiores reddat, 6. ut preces, quas beati ad Deum fundent, ipsi suâ hâc intercessione offerat. Ast faciliè quidem hæc omnia Megalander noster Tubingensis discutit (p). Nostram sententiam, quâ totum confici opus posse arbitramur, sic promimus. I. Sacerdotium Christi æternum, non saltem fructus ejus æternus statuendus est. II. Æternitas hæc est absoluta, non peridiodica, utpote in consummatione seculi finem suum habitura (q). III. Æternitas hæc exinde prorsus non æstimanda est, quòd Christus in Sacerdotio nullum successorem habet. IV. Christum post consummationem seculi pro beatis non intercessurum amplius esse ulla ratione, valde probabile est (r). Qui enim intercedi pro

L iis

(o) l. c. p. 332. seqq. (p) l. c. p. 18. 19. (q) Vide FEURBOR-
NIH Opp. Theol. p. 721.

iis possit, qui prorsus nequeunt labi ampliùs & immèdiate Deo fruuntur, vix capimus. V. Sacerdotium sacrificio & intercessione non absolvitur. Cur *ἱμψανισμὸς* Christi coram Patre, quo & sanguinem suum & merita iu perpetuum Patri præsèntia exhibet Hebr. IX. 24. cnr benedictio, cujus largum pelagus in beatos idem effundet, cur laudes illæ, quas ille, ut Mediator, Deo Patri ob glorificationem suam, ob fideles salvatos diceret, & quæ in sacris literis expressè sacrificium nuncupantur, ad Sacerdotium Christi ejusque exercitium haud pertineant, haud video. Taceo, lumen istud immediatum, quod beatis affusus est Christus in perpetuum, ad officium quoque Sacerdotale, uti ad propheticum referri posse. Facilis iraquo rei enodatio est, si ideas saltem affusæ judicii præstantioris lucernâ, uti par est, ordines & solidè insectas.

§. XVI.

Atque ita quidem diatribæ satis prolixe finem tandem imponimus. Sed ais, lector, non apparere, cui usui omnia hæc scribantur? Tot cumulari hæc in diatribæ quæstiones, curiosas illas & eruditæ quoque forsitan, quæ verò ad ædificationem prorsus nil faciant, ad quam tamen omnia referenda sint. Et fateor sanè, esse hinc quædam, quæ subtilitatem Scholasticam redoleant, haud magni futuram in praxi Christianâ ponderis. Ast verò ostendimus hinc satis, ut arbitror, quomodo ista capienda sint & quantum iis pretium constituendum sit. Nescire autem

tem

λογμαχίαι inter dissidentes intercessisse. Vide Harmoniam ipsius Theologicæ seu consensum orthodoxum in loco de Christo, exemplo 15 p. 12. sqq. Scilicet non fingendæ sunt logomachia, ubi non sunt, sed, quod res est, ingenuè facendum.


tem ista Theologi non debent, ne de iis, quæ ignorant vel haud satis capiunt, ferant iudicium. Ita scilicet & λογομαχίας Theologicæ tractandæ & eventilandæ sunt, saltem, ut constet, eas λογομαχίας esse. Sed tamen & plurima hîc habentur, quæ ad necessariam & acroamaticam Theologiæ theoriam pertinent, quæ Theologis negligenda prorsus non est. Certè ex historiâ dogmatum Theologicorum, quæ in summo utique pretio nobis esse debet, plurima hic depronisimus & magno studio, quo utique in argumento ratiore opus est, conquiesivimus. Denique non statim ea rerum theoria macilentæ & nullius usûs est, quam, re nondum maturiùs inspectâ, talem existimaverimus. Quod ipsum, ut in præfenti argumento tibi pateat, lector, in epilogum, ex quo conspiciere possis, utrumque dogma, & illud, quod ἀνυπερβυσίας, & hoc, quod perpetuitatem humanæ Christi naturæ sistit, luculentum ædificationis præstantissimæ pondus, uti omnia fidei mysteria, uti omnes alias veritates Theologicas, licet merè theoreticæ rerum ignaris subinde esse videantur, secum vehere. Cæterum & docere hæc possunt Theologiæ Studiosos, qui porismata practica ex articulis quoque theoreticis, quos Theologia fundit, elicere suamque theoriam meditationibus asceticis diluere atque sanctificare possint & debeant.

EPILOGUS.

ETenim, ubi humanam naturam in *Personam* Filii Dei assumptam consideramus, quidni statim hæc in animum nostrum labatur cogitatio, quanta hæc dignitas, quanta hæc gloria nostra sit, quòd summus Dei isque Patris cœlestis Filius unigenitus fragilitatem nostram in suæ consortium personæ voluerit assumere, & quantus, quàm immensus, quàm incomparabilis hic Dei erga nos amor sit, nullis nostris laudibus, nullâ nostrâ submissione satis extollendus, satis deosculandus, quòd ipse Filius Dei, Deus ipse summus & altissimus, non dedignatus sit, Sanguinem sibi adaptare nostrum atque suæ personalitatis communicatione tantopere naturam nostram evehere atque exaltare. Inde enim & id ipsum est, quòd Christus Goël noster & Frater factus est. Insignis profectò dignatio, incomparabilis, quod repero, & immensus amor! Quem ubi sollicito & curato judicio perpendimus, facile intelligimus, nos, qui talem Fratrem, talem Goëlem, talem Consanguineum habemus, & ita jam nos gerere debere, ut nihil committamus, quod dignatione istâ summâ indignum esse possit. O ergò ingratiſsimos nos, si Deum istum, qui tanto nos complexus amore est, non redamemus perpetim, eumque, qui humanam naturam in consortium SS. Trinitatis traxit & evexit, summa animi benè sic siti gratitudine, summâ submissione, summâ sanctitate, summo & maximo opere, summo amore haud exosculemur. Scilicet opus, opus, opus jam est, ut Fratri

tri nostro , ut illi, qui sanguinem assumpsit nostrum & hæc consanguinitate nos cum Deo, irato aliàs & nobis infenso, reconciliavit, *σύμμερφοι* fiamus, ut sanctitatem illam, quâ nobis præluxit ille, omnibus viribus nostris, quas & ille per Spiritum suum nobis largissimò beneficio donat, studiosissimè imitemur, ut perpetuo erga Ipsum amore flagremus, ut in hoc Fratre & Goële nostro, cujus præstantissima redemptio est, exultemus & tripudiemus, ut in Ipsius oscula ruamus perpetim & intermittamus eorum nihil, quod ipsi placere possit. Quàm verò & firmanant & stabiliunt hæc omnia fidem nostram & fiduciam nostram, quâ tantum Salvatorem amplectimur. Ille est, qui nostram naturam in *ἡμεῖς* suam assumpsit, qui consanguineus noster factus est. Non poterat nos salvare, nisi talis. Sed & talis certò nos salvat. Certò nos Frater non deseret & talis Frater, qui vitam pro nobis dedit atque etiam resumit, imò talis Frater, qui talis semper mansurus est, nec unquam fraternitatem hanc, uti nec humanitatem deponet. Itaque ergò exultemus eja, exultemus in tanto Redemptore eoque **ÆTERNO & PERPETUO FRATRE NOSTRO**, quod secundum tractationis nostræ membrum est. O quantum solatium hoc est nobis peccatoribus, quòd Christus in omnem æternitatem futurus sit Redemptor noster, Goël noster, Propheta noster, Sacerdos noster, Frater noster, Rex noster, summus Patronus & Defensor noster atque animarum nostrarum perpetuus Sponsus. Scito, anima, & in hoc cùm maximè gaudeto, quòd hos chara-

rota ramen salus nostra nititur. Sed non deponet. Huic Agno, huic Salvatori cum sanctis Angelorum cœtibus & choris laudes dicturi sumus in æternum, huic in æternum juncti manebimus, nec erit quidquam, quod nostrum hoc consortium divellere & dissolvere possit. Sed, qui noster in perpetuum futurus est, Ejus & semper, quæso, sumus nos. Hæc amoris divini perpetuitas & nos monet, ut & noster, quo Ipsum amplectimur, quo Ipsum amamus, ardor perpetuus sit & æternus. Iste nostro amore opus non habet sed nos Ipsius. Nunquam itaque, ita velim, desimus officio nostro, sed agamus, quod nos, tantâ dignitate, tanto splendore ornatos decet. Plura possemus addere & adderemus quoque, nisi filum vel tandem hic abruptum esset. Unde hic subsistentes hisce monitis diatriben hanc jam obsignamus.



441
1529158